

AWEMainta

E DIFERENCIA DEN NOTICIA

AFTA TA PUBLICA SU AGENDA 2025

UN ECONOMIA MAS FUERTE Y PROTECCION DI CONSUMIDO



TWEDE KAMER
CUESTIONANDO E 'PROGRESO' DI
MANEHO FINANCIERO DI ARUBA

3

DOS POLIS DEN TIRAMENTO
FATAL A WORDO MANDA CAS

6

FALTA DI VIVIENDA VS.
TERENO PA AGRICULTURA
CON E GOBIERNO NOBO
LO ATENDE CU ESAKI?

8



Payroll Pro
HRM

WWW.PAYROLLPROHRM.COM



WHY PAYROLL PRO BEATS THE REST

THE MOST TRUSTED, ALL-IN-ONE HRM & PAYROLL SOFTWARE

OFFICIAL DISTRIBUTOR

VCC REAL SOFTWARE
International NV REAL SUPPORT
www.vcc-int.com

+297 583-7072

AFTA ta publica su agenda 2025

Un economia mas fuerte y proteccion di consumo

E rol di AFTA den 2025

E Aruba Fair Trade Authority (AFTA) ta hunga un rol crucial den e desaroyo economico di Aruba. Como un supervisor independiente di competencia, AFTA ta sigura cu mercadonan ta keda husto y competitivo, locual ta contribui directamente na prijsnan mas abou, miho calidad y mas innovacion.

Cu entrada na vigor di e Ordenansa di Competencia na 2024, AFTA den su prome aña a enfoca riba sectornan manera agencia di propiedad inmobiliario y productonan alimenticio. Den 2025 prioridadnan nobo ta wordo estableci cu lo afecta tanto empresanan como consumidornan directamente.

Kico AFTA a logra na 2024?

• Informacion y transparencia di mercado

AFTA a organisa 16 reunion informativo pa empresa y ciudadanonan pa crea conscientisacion riba e reglanan nobo di competencia. Esaki ta promove competencia husto y ta duna consumidornan mas inzicht den nan derechonan.

• Agencia di propiedadnan inmobiliario mas barata

Antes, liñanan di guia di e Asosacion di Realtors di Aruba (AAR) tabata limita e competencia di prijs entre agentenan inmobiliario. Danki na intervencion di AFTA, e reglanan aki a wordo retira na 2024, locual ta duna cumpradonan di cas mas libertad di scogo y espacio pa negocia.

• Prijs di cuminda y structura di mercado

Investigacion a muestra cu Arubianonan ta gasta un parti significante di nan entrada na cuminda, hopi mas cu consumidornan na Hulanda of Merca. AFTA pues a cuminsa un investigacion continuo riba acuerdonan di distribucion exclusivo y transporte di container pa compronde dicon prijsnan ta asina halto y con nan por baha.

Kico tin riba e agenda pa 2025?

AFTA den 2025 ta enfoca riba cinco tema importante: servicio bancario, contract exclusivo den sector di productonan alimenticio, transporte di container, agencia di propiedadnan inmobiliario y proteccion di consumo.

1. Servicio bancario

E aumento di gastonan di transaccion, specialmente pa Visa Debit y Mastercard Debit, posiblemente ta hiba na prijsnan mas halto pa consumo. AFTA ta investiga e tarifa di banconan y e impacto riba empresa y consumidornan. Esaki

por hiba na regulacion of adaptacionnan, locual finalmente por ta mas beneficioso p'e poblacion di Aruba.

2. Contractnan exclusivo den e sector di productonan alimenticio

Cierto proveedornan ta cera acuerdonan exclusivo cu distribuidornan, locual ta limita competencia y ta aumenta prijsnan. AFTA kier identifica con extendi e problema aki ta y cual medidanan ta necesario pa promove competencia husto.

3. Transporte di container y gastonan di importacion

E gastonan halto pa transporte di container, specialmente for di Merca, ta influencia directamente e prijsnan di cuminda. Como cu tin solamente un liña di transportacion directo activo, AFTA ta investiga si tin alternativanan di transporte y si acuerdonan di prijs of abuso di poder di mercado ta hunga un rol.

4. Cumplimento den e sector di agencia di propiedadnan inmobiliario

Awor cu e restriccions di prijs a wordo elimina, AFTA na 2025 lo controla si agentenan inmobiliario realmente ta mantene nan mes n'e reglanan di competencia. Esaki mester sigura un mercado di vivienda mas transparente y pagabel.

5. Proteccion di consumo

Legislacion nobo lo duna AFTA poder pa actua den caso di violacion colectivo di derechonan di consumo. Esaki ta significa mas proteccion contra practicanan comercial engañoso y prijsnan inhusto.

Kico esaki ta nifica p'e poblacion di Aruba?

E trabounan di AFTA tin un impacto directo riba e bida diario di Arubianonan. Danki na un mercado mas husto, consumidornan por conta riba prijsnan mas abou, miho servicio y mas opcion.

Empresarionan ta haya oportunidadnan husto pa competi sin obstaculo innecesario. Transparencia den servicionan bancario, gastonan husto di agencia di propiedadnan inmobiliario y prijsnan mas abou di cuminda por mehora e poder di compra di hogar significativamente.

AFTA ta dedica na haci Aruba economicamente mas fuerte y resiliente. Cu e enfoke riba competencia husto y proteccion di consumo den 2025, tanto empresanan como consumidornan lo beneficia di un nivel di wega economico mas ekilibra.

Tweede Kamer cuestionando e ‘progreso’ di maneho financiero di Aruba

E situacion financiero di Aruba ta keda un topico di discusion den tanto politica Hulandes como Arubiano. Mientras cu secretario di estado Zsolt Szabó ta duna un perspectiva positivo riba e maneho financiero di e gabinete Wever-Croes, e Algemene Rekenkamer di Aruba ta pone notanan critico n’esaki. Miembro di Tweede Kamer Aukje de Vries (VVD) a haci preguntanan por escrito riba esaki, unda e ta pidi clarificacion riba e progreso real di mehoracionnan financiero riba e isla.

Antecedente:

Deficiencianan financiero

For di rapportnan anterior di e Algemene Rekenkamer Aruba ta resulta cu tin deficiencianan structural den e maneho di presupuesto di Aruba. Den e rapport “*Investigacion Cuenta Anual di Pais Aruba 2019*” entre otro ta menciona retraso den e cuenta anual y falta di disciplina di presupuesto. De Vries ta puntra su mes con e critica aki ta cuadra cu e evaluacion positivo di e secretario di estado.

Ademas, ta surgi e pregunta si Aruba ta duna prioridad na entrega cuenta anual na tempo. Un ciclo di presupuesto cera ta crucial pa supervision financiero y crecimiento economico



sostenibel, pero segun e Rekenkamer mehoracionnan aki ta keda falta. Esaki ta lant’e pregunta si un reforma acelera ta necesario.

Impacto riba e Landspakket Aruba

E situacion financiero di Aruba tin consecuencia directo p’e ehecucion di e Landspakket, e programa di reforma cu a wordo traha den cooperacion cu Hulanda. Un maneho financiero inadecuado por retrasa e implementacion di reformanan y mina e estabilidad economico di e isla. De Vries pues ta haci e pregunta ki paso ta wordo tuma pa drecha e situacion financiero di Aruba.

Rijkswet Financieel Toezicht


Banda di e evaluacion di e situacion financiero, De Vries tambe kier sa con e situacion ta encuanto e Rijkswet Aruba Financieel Toezicht. E proposicion di ley aki tin como obhetivo un mecanismo di control financiero mas estricto entre Aruba y Hulanda, pero e negociacionnan ta andando pa un tempo caba. De Vries ta puntra e secretario di estado si tin combersacionnan cu Aruba tumando luga y ki obstaculo tin pa yega na un acuerdo.

E discusion riba e maneho financiero di Aruba ta keda actual y compleho. Mientras cu Gabinete Wever-Croes ta papia di pasonan positivo, rapport critico y preguntanan parlamentario ta keda señala deficiencianan structural. E resultado di e contestanan di e preguntanan por escrito lo ta determinante p’e desaroyonan pa cu e supervision financiero y e futuro economico di Aruba.

Fuente:

- *Algemene Rekenkamer Aruba: Investigacion Cuenta Anual di Pais Aruba 2019*
- *Tweede Kamer der Staten-Generaal: Preguntanan di Aukje de Vries (VVD) riba Aruba*

Cambio den prijs di productonan petrolero



MINISTER di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 12 februari 2025:

Gasolin unleaded-premium:

241,7 cen p/ltr. (+ 8,2 cen)

Diesel LS: 218,2 cen p/ltr. (+ 13,3 cen)

Kerosin: 196,1 cen p/ltr. (+ 12,6 cen)

E prijsnan ta inclui BBO/BAZV/BAVP.

E peliger di huicionan online den caso di sucesonan tragico

E fin di siman cu a pasa tabata impactante pa mira con lihe medionan social ta dicta un huicio riba un suceso tragico unda un hoben a perde su bida den un incidente di tiroteo. Denter di algun ora despues di e noticia, e opinionnan a cuminsa acumula, hopi biaha sin cu hende tabata dispone di tur e hecho. Aunke tur hende tin derecho riba un opinion y libertad di expresion ta un derecho fundamental, tabata espantoso pa mira con lihe algun hende a scoge un banda y a expresa huicionan duro sin tene cuenta cu e complehidad di e situacion.

Algun persona a señala directamente n'e hoben mes y a critica severamente sin pensa riba e impacto di nan palabranan riba su famia. Perde un yiu ta un di e tragedianan mas devastador cu un famia por pasa aden. Na luga di muestra compasion y respet, un parti di e publico a scoge pa lansa acusacion y haci suposicionnan riba kico lo a pasa exactamente. Esaki ta muestra con insensibel y sin misericordia medionan social por ta den momentonan di luto.

Otronan a dirigi nan rabia riba polis, hopi biaha sin warda e detayenan di e incidente. Medionan di comunicacion a reacciona lihe y a duna un imagen un banda so, locual a conduci na mas speculation y division den sociedad.



Ta comprendibel cu hende tin pregunta over actuacion policial, specialmente ora tin un resultado fatal, pero ta importante tambe pa corda cu ningun agente ta sali di cas cu intencion di tira un hende. Un suceso asina impactante lo persigui e agente involucra pa resto di su bida.

E incidente aki mester ta un momento di reflexion na luga di un oportunidad pa dicta un huicio rapido. Loke a pasa ta tragico pa tur persona involucra y tin solamente perdedo den e situacion aki. Na luga di señala culpa-belnan directamente, nos mester puntra nos mes con nos por contribui na un sociedad unda tipo di sucesonan asina no ta tuma luga. Medionan sensacional y acusacionnan sin base solamente ta contribui na mas division y frustracion.

Medionan social tin e poder pa crea consciencia y hiba discusionnan importante, pero nan por ta tambe un plataforma pa rabia sin control y desinformacion. Den momentonan di crisis, nos mester ta consciente di con nos ta reacciona y corda cu tras di cada storia tin hende real – hende cu ta sufri, cu ta lamenta y cu mester biba cu e consecucionan di e tragedia aki. Empatia y consideracion semper mester tin prioridad riba e impulso pa t'esun cu ta dicta un huicio prome.



AHUSTE DI PRIJS DI GAS DOMESTICO

10 Februari	Cash on delivery Ultimo dia pa haci e pedido nan cash/swipe on delivery na e prijs bieu di AFL. 60,-
14 Februari	Ultimo dia pa busca gas na prijs bieu Por pasa na Arugas te cu dia 14 di februari pa busca of paga cilinder di gas na e prijs bieu
14 Februari	Ultimo dia pa paga online/pay.aw Ultimo dia pa haci pago pa cilinder di gas na e prijs bieu
15 Februari	Prijs nobo na vigor Desde 15 di februari tur cilinder di gas di 100 lbs. pa uso domestico ta costa AFL. 80,-

*Solamente order un cilinder ora e ta bashi, no por pre-order

*Arugas no ta cambia cilinder cu gas aden

www.arugas.com | (+297) 585 1198 |  Arugas N.V.

LUNA DI LOCURA!

CUMpra 2 
Y HAYA 1 LOTTO 5
LOCO GRATIS



CON PA HUNGA?

CU CADA COMPRA DI 2 LOTTO 5 RIBA E MESUN TICKET, BO TA RICIBI
1 LOTTO 5 LOCO EXTRA COMPLETAMENTE **GRATIS**. Ariba e mesun ticket.
Mas bo cumpira, mas ticket loco **GRATIS** bo lo ricibi!

CAMPAÑA TA VALIDO TE CU 28 DI FEBRUARI

Dos polis den tiramento fatal a wordo manda cas

E caso fatal di diadomingo mainta caminda polisnan a persigui un auto y despues a los varios tira riba e auto cu consecuencia cu e chauffeur di e auto di 20 aña, a perde su bida, a haya un direccion diferente ayera merdia.

Un decision cu hopi a spera di lo tuma luga for di dialuna caba, ayera merdia Mando di Polis a dicidi di manda e dos polisnan envolvi den e caso fatal aki, cas cu suspension temporal riba kico a tuma luga.

E situacion ta uno complica y dificil pa tanto famia di e victima envolvi, polisnan envolvi y Mando Policial ya cu ta trata di un situacion cu no sa tuma luga y awor c'un tin un persona cu a perde su bida, ta practicamente hustifica e decision di Mando Policial pa manda e dos polisnan cas.

Investigacion lo continua den un caso cu ta birando sumamente dificil pa wordo hustifica principalmente ora cu realisa cu no tabatin un situacion delicado caminda e victima lo a pone bida di e dos polisnan na peliger.

Segun oranan tabata pasando dialuna mainta, varios grabacion a cuminsa

bay rond for di camaranan di siguridad cu a capta parti di e accion aki y na final tabata sumamente impresionante e forma con a tira riba auto di e hoben y cu a bin causa su morto.

E zonido di e tironan tabata impresionante, ta cosnan cu ta scucha of mira den pelicula solamente na television of centro di cine, ya cu a keda confirma cu ningun momento polisnan lo a los un tiro di advertencia.

A bira conoci cu e persecucion a pasa den cayanan di Madiki Kavel y dado momento e victima a drenta un parti caminda e no tabatin salida y cu e auto di polis blokiando salida di e auto, ta mustra cu e hoben a dicidi di purba di huy n'e otro banda y den e sector aki ta dun'e impresion cu e dos polisnan a baha for di nan auto y mirando cu e hoben lo por a huy, a dicidi di los tiro riba e auto di e victima.


E hoben durante di e tiramento aki lo a keda mortalmente herida ya cu e auto a sigui dilanti cu velocidad abou pa despues dal den acera y despues dal den cura di un cas.

Den curso di dialuna Mando Policial a pidi pa evita polarisacion cu rumornan cu ta bayendo rond y haci un suplica pa permiti recherch- enan haci un investigacion di e caso serio aki.

Sinembargo a surgi un situacion caminda e sentimento den comunidad a cuminsa bira hopi delicado y ayera mainta Mando di Polis a dicidi di manda e dos agentenan policial cas cu suspension temporario p'asina e investiga- cion por a continua.

E caso ta uno "ferfelo" ya cu segun mas ora tabata pasa, mas grabacion y mas testigo a cuminsa bin dilanti riba e tiramento aki caminda ta duna mas claridad riba loke a tuma luga y pa gran parti e no ta mustra bon p'e agentenan oficial.

E zonido di balanan cu a ser tira p'e polisnan riba e hoben den su auto, pa comunidad no tabata algo normal, ya cu no tabatin un situa- cion caminda e polisnan envolvi lo a sinti nan mes menasa pa nan bida pero algo cu ta dificil pa wordo hustifica.



**Romantic
Dinner** FOR TWO
On Valentine's Day

143\$

Per Couple
(inclusive of taxes)

Reservations:

Please call 586-7800
ext. 231 or 242
E-mail:
tdsba1@iberostar.com

www.tierradelsol.com



TIERRA
DEL SOL
GOLF COURSE
BY IBEROSTAR*

E dicen oposicion semper ta parce di tin tur solucion

UN fenomeno notabel den politica, tanto na Aruba como na mundo henter, ta cu partidonan den oposicion semper ta parce di tin e miho solucionnan p'e problemanan nacional. Asina cu un partido yega den oposicion, e ta parce di haya tur e solucionnan p'e retonan economico, problemanan social y erornan gubernamental. Pero dicen e certesa aki ta cambia asina cu e mesun partidonan aki yega na poder?

Un factor importante den esaki t'e diferencia entre duna critica y hiba un maneho. Den oposicion, partidonan no tin responsabilidad directo pa ehecucion di maneho. Esaki ta duna nan e libertad pa expone erornan di gobierno y presenta plan alternativo, sin cu nan mester implementa esakinan. Sinembargo, ora un partido den oposicion yega den gobierno, teoria ta topa cu practica. Hiba un maneho ta nifica negocia, presupuesta y cera compromisonan, loke ta haci cu hopi promesa ta dificil pa realisa.

Ademas, strategia politico ta hunga un rol grandi. Partidonan den oposicion kier profila nan mes como e miho alternativa, loke ta stimula nan pa pinta e maneho di gobierno mas negativo posibel. Esaki no semper ta nifica cu nan ta haci

algo robes, pero e por crea un imagen distorsiona di e realidad real di nan proposicionnan. E dinamica ta cambia drasticamente ora un partido mes haya e responsabilidad pa determina e rumbo di e pais.


Un otro aspecto ta cu e realidad economico y gubernamental hopi biaha ta mas compleho cu partidonan den oposicion ta laga parce. Un gabinete nobo no por simplemente cambia maneho sin tene cuenta cu obligacionnan internacional, limitacionnan economico y legislacion existente. Loke den oposicion ta parce un solucion simpel, den practica hopi biaha ta un reto cu ta exige hopi tempo y cooperacion.

E les cu por saca for di esaki ta cu ciudadanonan mester keda critico, tanto riba oposicion como riba gobierno. Ta demasiado facil pa solamente responsabilisa e gobierno actual pa problemanan of pa kere ciegamente den oposicion como fuente di tur solucion.

Progreso real ta pidi un sistema politico den cual plan realistico, cooperacion y transparencia ta primordial, na luga di retorica simplista cu solamente ta dirigi na gana eleccion.

GET INTO THE HOTTEST EVENTS

GET YOUR TICKETS ON PAY.AW



Events

Search

FAKKEL 2025
PRICE: APL 125,-
TIME & DATE: 8 PM | JAN 11
Book Now
View Details

Empire Fakkkel 2025
11 Jan 2025 to 12 Jan 2025

CARNIVAL 71
CHILDREN & YOUTH CALYPSO & ROADMARCH CONTEST
Aruba Entertainment Center Dakota
DATE: 17 January
TIME: 6:30PM - 11PM
PRICE: AWG. 25
Book Now
View Details

C71 Children and Youth Calypso & Roadmarch Contest
17 Jan 2025

CARNIVAL 71
DATE: 18 January
TIME: 6:30PM - 11PM
PRICE: AWG. 25

QR CODE


DOWNLOAD NOW

GET IT ON Google Play | Download on the App Store

pay.aw

Falta di vivienda vs. terreno pa agricultura

Con e gobierno nobo lo atende cu esaki?



E Plan di Desaroyo Espacial (ROP) di Aruba a designa terenonan specifico pa agricultura y construccion di vivienda. Pero awor cu e demanda pa terreno pa construi vivienda ta birando mas grandi, ta surgi e pregunta si e parcelanan agricola aki no por wordo miho uza como terreno di construccion. Gobierno ya pa años ta inverti subsidio den e sector primario, pero e productividad y viabilidad economico di agricultura tradicional cada bes mas ta wordo poni na duda. Agricultura na Aruba ta un necesidad economico, of mas bien un valor cultural?

Den practica, agricultura tradicional na Aruba tin dificultad pa competi na gran escala cu productonan importa mas barata.

E ministernan anterior di sector primario na varios ocasion a indica cu e futuro di produccion di cuminda Arubiano no ta den agricultura tradicional, sino mas bien den tecnologia moderno manera greenhouse y hidrocultura. No obstante, ta keda un reto pa haci e proyec-tonan aki economicamente viabel. E costonan di importacion, awa y mantencion y oranan di trabao ta haci dificil pa keda competitivo cu proveedornan di exterior.

Esaki ta trece nos n'e pregunta: kico t'e miho destino p'e terenonan aki? Mirando e espacio limita disponibel na Aruba y e demanda creciente pa vivienda, cambia terreno agricola pa terreno di construccion por ta un opcion logico. E falta di vivienda na Aruba ta aumentando y hopi famia ta buscando vivienda pagabel. Si agricultura no ta rentabel economicamente, no ta mas prudente pa destina e terreno aki pa construccion di vivienda y otro infraestructura esencial?

E gobierno nobo lo mester determina si terenonan agricola lo keda manteni of lo wordo cambia den terreno di construccion. Esaki no ta un decision facil, pasobra e ta toca interesnan ecologico, cultural y economico. Ademá, seguridad alimenticio sostenibel ta hunga un rol: **Si Aruba kier ta menos dependiente di importacion, ta logico pa mantene y fortifica e sector agricola.** Pero si esey no resulta factibel, kisas gobierno mester duna prioridad na construccion di vivienda.

E periodo nos dilanti lo muestra ki direccion Aruba ta bayendo. Lo sigui bet riba agricultura subsidia, of lo crea espacio pa mas construccion di vivienda?

Loke ta sigur, ta cu e espacio disponibel mester wordo utiliza strategicamente y cu un vision pa futuro. E decisionnan cu wordo tuma awor, lo determina e desaroyo di Aruba den e siguiente decanan.

avianca
the sky belongs to all of us

AUA
ARUBA AIRPORT AUTHORITY

Ban Colombia!

BOOK MESORA! avianca.com

Bogota

Medellin

Gobierno nobo, problemanan bieu


Con Aruba por sali realmente padilanti

HOPI hende tin e speranza cu e gobierno nobo lo haci milagernan directo y cu bida na Aruba lo bira mas barata den poco tempo. Pero e speransanan aki por cambia lihe den desilusion si hende no ta consciente di e realidad di e situacion economico. Aunke politica y maneho ta hunga un rol den mehora e calidad di bida, algun problema ta demasiado compleho pa soluciona completamente den algun luna of hasta añanan.

E desafionan financiero di Aruba ta profundamente ancla y ta rekeri strategianan a largo plaso pa atende nan efectivamente. Tin dos manera fundamental pa soluciona e problemanan aki: reduccion di gasto y aumento di entrada. Ambos tin consecuencianan directo p'e poblacion. Reduccion di gasto por ehempel por nifica cu gastonan di gobierno ta wordo reduci, locual por resulta den menos subsidio, impuesto mas halto of limitacion di provisionnan social. Di otro banda, aumenta entrada ta nifica cu Aruba mester crea oportunidadnan economico nobo, manera stimula sectornan inovativo, atrae inversionnan di exterior of diversifica e economia.

Loke hopi hende no ta realisa ta cu mehoracion economico ta costa tempo. Spera cu prijsnan baha directamente of cu tin un aumento di bienestar diripiente, simplemente no ta realistico. Gobierno solamente por eherce un influencia parcial riba costo di bida, pasobra esakinan ta depende tambe di mercadonan mundial, prijsnan di importacion y tendencianan economico internacional. P'esey ciudadanonan mester keda bon informa y no laga nan mes wordo guia pa promesanan falso of retorica politico cu ta priminti milagronan economico.

Na luga di warda y solamente mira den direccion di gobierno pa solucionnan, ta importante p'e poblacion mes hunga un rol activo den mehora Aruba. Esaki ta nifica traha duro, haci inversionnan inteligente, stimula iniciativa empresarial y colabora na iniciativanan sostenibel cu ta fortifica e economia. Un



economia saludabel no solamente ta rekeri bon maneho, sino tambe un sociedad proactivo y responsabel cu ta adapta na desafionan y ta probecha oportunidadnan.

Si realmente nos kier pa Aruba bay dilanti, nos mester haci nos speransanan mas realistico y compronde cu ningun gobierno tin un bara magico pa soluciona problemanan economico den un solo biaha. E ta rekeri esfuerzo, pasenshi y esfuersonan conhunto di tanto gobierno como e poblacion. Na luga di biba den un mundo di fantasia unda tur cos ta bira miho di su mes, nos mester traha duro y tuma decisionnan consciente pa yuda Aruba bay dilanti na un manera sostenibel.

HOLY COMMUNION

Celebrate your special day with
Hilton Aruba Caribbean Resort & Casino.

Contact our catering and events team
to learn about Holy Communion packages.

BOOK NOW

Lilian Polsbroek
Lilian.Polsbroek@hilton.com
526-6120



Ministerio Publico

Tiroteo mortal Madiki Kavel

DEN oranan di mainta di diadomingo 9 di februari 2025 un tiroteo a tuma luga, caminda e homber hoben A.C. Lanoy di 19 aña di edad a wordo alcanza pa balanan policial, y a bin na fayece. Esaki a hiba na gran emocion y na hopi tristesa cerca su famia y den comunidad completo.

Den un investigacion penal manera esaki, den cual polisnan ta involvi den incidentenan di violencia cu ta termina cu morto, practicamente semper ta tuma luga un investigacion independiente di Landsrecherche di Aruba. Landsrecherche ta un cuerpo investigativo cu ta neutral y cu ta independiente di Cuerpo Policial di Aruba. Mes ora despues di e incidente fatal Landsrecherche a start un investigacion penal bao guia di fiscal di husticia. E polisnan involvi a wordo scucha como sospechoso.



E investigacion ta andando awor aki y pa su duracion e polisnan involvi a wordo prohibi entrada den wardanan.

Ministerio Publico sa y ta consciente cu e tiroteo tin impacto grandi riba comunidad di Aruba. Pa e motibo aki, pa mas leu cu e investigacion ta permiti, Ministerio Publico lo percura pa informa regularmente tocante e investigacion y tocante adelantonan den e investigacion.



BUCUTI & TARA
BEACH RESORT - ARUBA



Elements
RESTAURANT

JOIN US & THRIVE!

**TOP 25 HOTEL IN THE WORLD ON TRIPADVISOR
FIRST & ONLY CERTIFIED CARBON NEUTRAL RESORT IN THE CARIBBEAN**

OPEN POSITIONS:

- DOORMAN (M/F)
- COOK
- BARTENDER
- LUNCH SERVER
- ROOM ATTENDANT
- MAINTENANCE TECHNICIAN

UNLOCK THESE BENEFITS WITH US:

- Attractive salaries
- Various bonus opportunities
- 5-Day workweek (40 Hours)
- Up to 27 vacation days based on years of service
- Childcare allowance to support working parents
- Wellness program: gym memberships, annual health check-ups, life & health insurances
- Exclusive employee discounts at Tara Eco, Ling & Sons, and Garage Centraal
- Savings & loan program

**JOIN OUR AWARD-WINNING TEAM AND
TAKE ADVANTAGE OF THESE INCREDIBLE BENEFITS
WHILE GROWING A REWARDING CAREER!**

 www.bucuti.com/careers



OTRO PERSPECTIVA
Cu Marilu

 [CLICK AKI](#)

MADBOR Consultancy

Documento Comercial y Support

- Oferta / Presentacion
- Programa di rekisitonan
- Citacion
- Informacion
- Contrato (*den concepto*)

Operacion

- Analisis di Proceso
- Descripcion di Proceso
- Descripcion di Protocol

Apoyo Empresarial

- Mediacion
- Consulencia/ Consejo
- Comercialisacion

Documentacion oficial (di e empresa) :


- Prepara
- Verifica
- Traduccion-4 idioma:
(*Ingles, Hulandes, Spaño, Papiamento*)

Priva

- Scirbi carta (oficial) - 4 idioma
- Traha Curriculum Vitae
- Carta di solicitud
- Mediacion serca instancianan - 4 idioma

Ban 
Papia
+297-7456724

Turning **Ideas** into Breakthrough **Solutions**



COMERCIO

E aumento di solopreneurs:

Traha bo so como e norma nobo di empresa

DEN e economia moderno ta manifestando un transicion cla den e manera cu empresanan ta funciona. E empresa clasico cu un structura herarkico y un cuerpo di personal grandi cada bes mas ta duna paso n'e solopreneur: un empresario independiente cu ta opera sin personal y ta maneha su empresa autonomamente. Impulsa pa progreso digital y patronchi di trabao cu ta cambia, e forma di empresa aki ta ganando tereno rapidamente y no ta parece mas un excepcion, sino un desaroyo structural dentro di e economia mundial.

E atraccion di solopreneurship ta ancra den e libertad y flexibilidad cu e ta ofrece. E posibilidad di traha independiente sin depende di un team of dunado di trabao, ta atrae hopi hende. Ademá, e gastonan di inicio generalmente ta considerablemente mas abou cu den un empresa tradicional, ya cu infraestructura caro y gastonan di personal ta desaparece den gran parti. Hermentnan digital y automatizacion ademá ta haci mas facil pa racionalisa procesonan di empresa eficientemente, permitiendo un solopreneur combina multipel funcion sin sacrifica profesionalismo y productividad.

A pesar di e bentaha aparente, empresanan independiente tambe ta trece

retonan substancial cu ne. E responsabilidad completo p'e aspectonan strategico, operacional y administrativo di e empresa ta cay riba un persona, loke por hiba na un aumento di presion di trabao y carga mental. E ausencia di un team di apoyo ademá por reforsa sentimentonan di isolacion y falta di motivacion. Pa supera e desbentahanan aki, hopi solopreneur ta busca conexcion cu rednan profesional y comunidadnan online, unda intercambio di conocimiento y colaboracion ta contribui na un sentimento di conexcion y desaroyo profesional continuo.

E aumento di solopreneurship ta parece inevitable, den parti pa motibo di e popularidad creciente di modelonan di negoshi digital y e globalisacion di e mercado laboral. Sectornan manera consultoria freelance, comercio electronico, marketing digital y coaching ta prospera den e cambio aki y ta prueba cu e dependencia tradicional di structuranan di empresa na gran escala cada bes ta bira menos relevante. Ademá, e preferencia creciente pa trahamento flexibel ta obliga empresanan adapta nan modelonan di colaboracion, unda uzo di personanan independiente specialisa cada bes ta forma un alternativa strategico pa nombramento fiho.

Unda empresanan un tempo tabata wordo asocia cu construccion di un organisacion cu empleadonan y un infraestructura fisico amplio, e aumento di solopreneurnan ta muestra cu exito tambe por wordo logra riba un base individual. Den un mundo unda transformacion digital y carera autonomo ta hunga un rol cada bes mas grandi, solopreneurship no ta solamente un tendencia, sino un redefinicion fundamental di con empresanan ta opera. E futuro ta parece di ta cada bes mas den man di empresarionan independiente cu ta utiliza nan experticio y capacidad di innovacion pa genera impacto maximo cu recurso minimo.

Elements
A VIEW TO DINE FOR

We are open and ready to welcome you!

The award-winning Elements Restaurant is revamped with elegant, eco-friendly designs, introducing new planet-friendly menus for both the restaurant and its renowned Sunday Brunch.

Experience exceptional dining with a fresh View to Dine For at Bucuti & Tara Beach Resort, Aruba's top-rated resort!

Adults-only | Cashless | Reservations Required | Groups of Max 6 Guests
www.elementsaruba.com | +297 583-1100 ext. 109



SALUD MENTAL

Prevencion den cuidado di salud mental

Un necesidad basa riba ciencia

E necesidad di prevencion den salud mental

DEN e cuidado di salud moderno, salud mental cada bes ta wordo reconoci mas como un parti esencial di bienestar general. Sinembargo, ainda e enfasis ta keda riba tratamento en bes di prevencion. Investigacion cientifico ta muestra cu intervencionnan tempran y medidanan preventivo no solamente ta proteha individuo contra trastorno psicologico serio, sino tambe ta genera beneficionan social y economico enorme.

Sosten Cientifico di Prevencion

Varios investigacion ta confirma e efectividad di strategianan preventivo den reduci problemanan di salud mental:

- **Un meta-analisis** publica den *The Lancet Psychiatry* (2021) a conclui cu programanan di intervencion tempran por reduci e riesgo di depresion y ansiedad cu 30-50%.

- **Investigacion neuropsicologico** ta muestra cu stress cronico y ansiedad ta causa cambionan structural den e cerebro, specialmente den e amigdala y cortex prefrontal, cu ta involvi den regulacion emocional. Entrenamento di manejo di stress na tempo por limita e cambionan aki.

- **Un estudio di JAMA Psychiatry (2020)** a resalta cu mucha y adolescentenan cu ta siña con pa trata cu stress y emocionnan na un edad jong tin significativamente menos chens di desaroya trastorno depresivo y di ansiedad na un edad mas avansa. E conocimiento cientifico aki ta aclara cu prevencion ta hunga un rol activo den proteha salud mental a largo plaso.

Beneficionan economico y social

Ademas di e beneficionan individual, prevencion tin un impacto economico enorme. Segun un rapport di e Organizacion Mundial di Salud (WHO), cuidado di salud mental ta costa mundo henter mas di \$1 triyon pa aña na productividad perdi. Estudionan ta muestra cu cada dollar inverti den programanan preventivo di salud mental ta genera un retorno di inversion (ROI) di \$4 door di reduccion di gasto di cuidado y aumento di productividad. Mas leu, intervencionnan na luga di trabao ta muestra cu ofrece entrenamiento di manejo di stress y programanan di salud mental ta hiba na 25% menos burn-out y ausencia pa motibo di enfermedad. Esaki ta

sugeri cu companianan por hunga un rol crucial den promove prevencion y asina tambe mehora nan propio productividad.

Con prevencion eficaz ta funciona?

Basa riba investigacion cientifico, tin diferente strategia comproba pa prevencion:

- **Mindfulness y terapia cognitivo-conductual (CBT):** Estudionan ta muestra cu e tecnicanan aki ta reduci e riesgo di depresion recurrente cu 43%.

- **Apoyo social y comunidad:** Un estudio di Harvard di 75 aña largo a conclui cu conexionnan social fuerte t'e miho predictor di bienestar mental a largo plaso.

- **Actividad fisico:** Investigacion di *The American Journal of Psychiatry* ta indica cu solamente 30 minuut di movicion pa dia ta reduci e riesgo di depresion cu 26%.

Conclusion: Prevencion mester haya prioridad

E ciencia ta cla: prevencion den cuidado di salud mental no solamente ta deseabel, sino esencial. Door di inverti den intervencionnan tempran, educacion y escogencia di un estilo di bida saludabel, tanto individuo como e sociedad en su conjunto por reduci problemanan di salud mental. Haciendo politica, compania y profesionalnan di cuidado mester utiliza e conocimiento aki pa crea un sistema di cuidado di salud mas efectivo, sostenibel y inclusivo.



Durante su bishita di trabou na Hulanda

Prome Minister a reuni cu Minister di Buitenlandse Zaken riba varios tema importante

UN reunion hopi importante cu Prome Minister Evelyn Wever-Croes tabata tin durante su biahe di trabou pa Hulanda, ta e reunion cu Minister di Buitenlandse Zaken señor Caspar Veldkamp. Dos tema importante cu nan a cubri durante e reunion aki tabata e situacion actual na Venezuela y e posicion di e gobierno nobo Mericano.

Tema: Venezuela

Prome Minister a indica cu e situacion na Venezuela ta un topico cu tin Gobierno di Aruba basta preocupa. Ta importante pa compronde ki efecto tur e desaroyonan interno, y e situacion di derecho humano cu tin na Venezuela, tin riba Aruba, y pa sa kico ta e posicion di Union Europeo riba Venezuela ya cu nan no ta reconoce Presidente Maduro como e presidente ganado y pa e motibo aki no a atende e inauguracion. Tambe ta importante pa sa kico ta e siguiente paso di nan banda. Riba esaki Prome Minister a haci hopi pregunta cu ta hiba bek den e tereno di UE pa nan por fiha un posicion.

Pa loke ta e topico di Venezuela, e combersacion tabata uno hopi largo. Prome Minister a splica Minister Veldkamp e motibo pakico ta importante pa Aruba tin claridad riba e topico di Venezuela. Venezuela ta hopi cerca di Aruba y tin hopi hende cu tin laso familiar, economico y cultural cu e pais. P'esey ta importante pa Aruba ta bon informa riba e posicion cu ta wordo tuma pa cu

Venezuela na Den Haag y cu UE.

Tema: Gobierno nobo na Merca

Un tema cu Prome Minister a delibera hopi riba dj'e durante varios reunion na Den Haag, ta e posicion di e gobierno nobo Mericano pa loke ta trata e maneho migratorio. President Trump a declara cu e lo hiba un maneho migratorio hopi mas estricto, y p'esey ta importante pa Gobierno di Aruba ta consciente di kico ta bay pasa, ya cu cualkier decision na Merca por tin su efec-tonan. E pilar economico principal di nos pais ta turismo, y mayoria ta bin di Merca.

Durante su reunion cu Minister Veldkamp, Prome Minister tabata tin e oportunidad di papia di tur e retonan cu Aruba lo por enfrenta debi na e decisionnan cu e presidente nobo na Merca lo por tuma. Aki a intercambia ideanan y papia di diferente escenario pa asina ta miho prepara den caso di cualkier eventualidad. Pa loke ta e decision di Merca pa hisa tarifanan, derechonan di importacion, esaki sigur lo tin un efecto riba costo di bida na Aruba, mirando cu productonan lo bira mas caro. Actualmente no tin motibo pa preocupa pero si pa ta miho prepara. P'esey e reunionnan aki ta asina importante, pa elabora riba varios escenario y pa tin un posibel solucion dado caso.

Na final di e reunion, Minister Veldkamp a tuma e oportunidad, ya cu Gobierno di Aruba ta den momento di transicion, pa gradici Prome Minister pa representa Reino Hulandes dignamente den varios ocasion, specialmente pa e manera con Prome Minister a guia e reunionnan na Nacionnan Uni, y pa representa Reino den diferente toma di presidencia den e region. Na su turno, Prome Minister a gradici Minister Veldkamp pa e oportunidad di por a reuni cu su persona, y a indica na dj'e cu p'e lo mas importante ta pa semper tin un bon cooperacion y relacion entre Aruba y Gobierno Hulandes. E tabata un reunion positivo na unda a informa Minister Veldkamp den detaye riba e posicion di pais Aruba.

SUNSET GRILLE
Where Classic Delights
Serve Modern Twists

20% off
for locals*

*Offer is valid for local residents with a local ID. Limited to a maximum of 12 persons. Bottles are not included in this offer.

Open Daily 5:30 pm – 10:30 pm
J.E. Irausquin Blvd. 81, Palm Beach | hiltonaruba.com | @hiltonaruba
+297-526 6612 | AUAHH_SunsetGrille@hilton.com



+297 730 1486

SABANA BLANCO 40
ORANJESTAD, ARUBA



Beauty Bar

P.M.U &
LASH ARTIST

By JEN

Specialised in

Brows, lips & Eyeliner ♦ Pedicure ♦ Microblading
♦ Powderbrows ♦ Threading ♦ Brow Lamination
♦ Lip pigmentation & blush ♦ Eyeliner

 Beauty Bar by Jen

 beautybar_byjen

Trump, Europa y BRICS:

Un cambio geopolítico na caminda?

E relacionnan di poder geopolítico ta cambiando constantemente y cu Trump reeligi como presidente di Merca, ta surgi e pregunta con Europa lo posiciona su mes den un mundo unda Merca ta adopta un postura mas aislacionista. Den pasado, Trump a indica cu e lo apoya Europa economicamente y militarmente menos, loke ta obliga lidernan Europeo pa pensa riba partnernan alternativo. Si Trump pusha Europa den direccion di China, esey no solamente lo pone e relacion transatlántico bao presion, sino tambe por habri e porta pa un cooperacion mas estrecho entre Europa y e paisnan BRICS.

Consideracion economico: Diversificacion di comercio y de-dolarisacion

Europa ta depende fuertemente di Merca como un socio comercial, pero si Trump bolbe impone tarificanan riba productonan Europeo of sigui reduci apoyo na NATO, e EU por wordo obliga pa diversifica su dependencia economico. Paisnan BRICS, particularmente China y India, ta ofrece un mercado dinamico cu oportunidadnan di crecimiento. Ademas, BRICS ta trahando activamente riba structuranan financiero alternativo y un reduccion di dependencia di e dollar Mericano den transaccionnan internacional.

P'e EU, esaki por ta atractivo, specialmente den luz di esfuersonan di de-dolarisacion di BRICS, unda paisnan ta cambiando pa comercio den nan propio monedanan pa evita sancion y presion geopolítico di Merca. Si Trump reanuda su politica comercial agresivo, Europa lo por wordo impulsa pa participa den iniciativanan financiero y comercial nobo cu ta cay pafo di e esfera di influencia Mericano.

Autonomia strategico y balansa geopolítico

Desde e guerra na Ucrania, Europa a desaroya un conscientisacion mas fuerte di seguridad, pero e ta keda depende militarmente di Merca via NATO. Si Trump cumpli su menasanan pa reduci financiamiento di NATO, Europa lo inverti mas den autonomia strategico. Esaki por hiba na un reorientacion di cooperacionnan internacional, unda Europa no solamente ta mira China, sino tambe otro paisnan BRICS manera India y Brazil.



Den e scenario aki, e EU por purba cana un caminda medio entre Merca y BRICS. Esaki no necesariamente ta nifica cu Europa ta uni completamente n'e campo di BRICS, sino mas bien cu e ta fortalece su lasonan diplomatico cu paisnan BRICS pa haya mas espacio di maniobra geopolítico.

Limitacionnan: E sombra di Rusia y division politico

Aunke un cooperacion mas fuerte entre Europa y BRICS ta parece plausible, tin obstaculonan serio tambe. Na prome luga, Rusia ta un actor prominente den BRICS y e guerra na Ucrania ta haci'e politicamente inaceptabel pa hopi pais di EU pa coopera abiertamente mas estrecho cu un bloke unda Rusia ta hunga un rol clave. Esaki ta nifica cu Europa mester balansa cuidadosamente pa di un banda saca bentaha economico for di cooperacionnan cu BRICS, sin mina di otro banda e aliansa transatlántico.

Ademas, e EU ta politicamente dividi. Paisnan di Oost-Europa, manera Polonia y e Estadonan Baltico, ta keda fuertemente orienta riba Merca y lo ofrece resistencia contra lasonan demasiado estrecho cu BRICS. Paisnan di West-Europa, manera Francia y Alemania, sinembargo, ya pa un tempo ta boga pa autonomia strategico y lo por considera un espacio di maniobra geopolítico mas grandi.

Conclusion: Un diversificacion strategico controla

No ta probabel cu Europa lo move completamente den direccion di BRICS, hasta si Trump pone Europa bao presion economico y militar. Sinembargo, un reorientacion strategico parcial si ta pensabel. Europa por busca mas cooperacion cu paisnan BRICS individual, manera India y Brazil, mientras cu e ta mantene un relacion diplomaticamente pragmática cu China.

Den un mundo unda aliansanan geopolítico ta bira cada bes mas fluido, Europa probablemente lo scoge pa un diversificacion controla di su partnernan sin kibra completamente e lasonan transatlántico. Esaki por habri un era nobo di diplomacia multilateral y pragmatismo economico, unda Europa ta posiciona su mes como un potencia independiente den un orden mundial cada bes mas multipolar.

START YOUR DAY IN PARADISE

20% off for locals*

laguna

**OPEN DAILY
7 – 11 AM**

For reservations +297-526-6612

Extensive Buffet
Air-Conditioned Dining
Your Favorite Breakfast Classics
Wake-Up Cocktails
Outdoor Terrace Dining
A La Carte Breakfast Specialties

*Offer is valid for local residents with a local ID. Limited to a maximum of 30 persons. Bottles are not included in this offer.

Hilton
ARUBA CARIBBEAN
RESORT & CASINO

Javier Milei despues di un aña: Reformado of disruptor di Argentina?



E eleccion di Javier Milei como e Presidente di Argentina a marca un punto di inflexion den politica y economia di e pais. Cu su agenda liberal radical y promesa pa restaura e economia Argentino, Milei a gana apoyo di un grupo amplio di votado ansioso pa cambio. Awor, despues di un aña den oficina, a yega tempo pa un evaluacion profundo di su politica: el a stabilisa e economia Argentino, of su politica di austeridad severo a aumenta mas ainda desigualdad social?

Stabilisacion macro-economico y reforma financiero

Un di e logronan mas notabel di Milei su gobierno t'e reduccion drastico den inflacion. Mientras cu inflacion mensual ainda tabata na 26% na December 2023, desde e tempo ey el a baha te na 2.7% den lunanan reciente, e nivel mas abou den tres aña. E aprecio di e peso Argentino contra e dollar Mericano tambe ta indica un aumento di confiansa den e moneda nacional. Ademá, Milei a logra un surplus presupuestario—un logro cu no a wordo mira mas di un siglo pasa.

E mehoracion aki por wordo atribui den gran parti na su politica monetario y fiscal estricto. E gobierno a implementa cortenan di gasto drastico door di reduci e cantidad di ministerionan di 18 te na 9 y kitando 30.000 empleado publico for di trabao. Subsidionan pa energia y transporte tambe a wordo reduci, hibando na costonan mas halto pa consumidornan, pero reduciendo significativamente gastonan di gobierno.

Impacto social y critica di e medidanan di austeridad

Sin embargo, stabilisacion economico a bin na un costo social pisa. Bao di liderazgo di Milei, un estimacion di cinco miyon Argentino adicional a cay bao di e liña di pobreza. E cortenan severo na servicionan social y reduccion drastico den financiamiento di cuido medico y educacion a hiba na un descontento general entre

segmentonan grandi di e poblacion.

Ademá, e deregulacion rapido di leyman di importacion pa productonan stranhero a crea un ambiente competitivo inhusto pa negoshinan Argentino chikito y mediano, cu ta luchando pa sobrevivi. Esaki a aumenta desempleo y profunda desigualdad social. Hopi critico ta argumenta cu e reformanan di Milei ta faborece negoshinan grandi, pero ta bin a costo di e clase medio y abou.

Dinamica politico y retonan di gobernacion

Milei a goberna sin un mayoria den e Congreso Argentino, forsando e pa depende riba decretonan presidencial y aliananan strategico pa implementa su reformanan. Su estilo di liderazgo confrontacional a hiba na polarisacion politico y tensionnan den oposicion. Ta keda insigur si e lo por sostene su reformanan a largo plaso sin un apoyo politico mas amplio.

Su politica exterior tambe a lanta controversia. El a rechasa e acceso di Argentina na BRICS, distanciando su mes for di aliananan economico alternativo y enfocando en cambio riba un strategia Atlantico dirigi na cooperacion mas estrecho cu NATO y partnernan Occidental. Esaki a causa divisionnan domestico, ya cu algun sector economico Argentino lo beneficia di lasonan mas fuerte cu mercadonan emergente.

Un cuadro dividi: Entre exito y descontento social

Despues di un aña di e presidencia di Milei, e balans ta keda controversial y mixto. Di un banda, tin exito macro-economico concreto, manera inflacion cu a baha y un surplus presupuestario, cu ta priminti un futuro financiero mas stabiel. Di otro banda, tin costonan social y tensionnan politico significativo cu por hiba na instabilidad a largo plaso.

E pregunta ta keda si e politiconan di Milei ta sostenibel y si su liberalismo economico extremo realmente lo hiba Argentina na recuperacion, of si ta solamente un estabilisacion temporal cu finalmente lo habri un abismo mas grandi entre rico y pover. Un cos ta sigur: E di dos aña di su presidencia lo ta crucial den forma su herencia politico y economico.

relax, unwind,
rejuvenate

Book your
journey now

eforea
SPA
Hilton Aruba

Open Daily 9 AM – 6 PM | +297 526 6052 | auaahh_eforea_aruba@hilton.com
J.E. Irausquin Blvd. 81, Palm Beach | hiltonaruba.com | [@hiltonaruba](https://www.instagram.com/hiltonaruba)

Meta di Paris na peliger:

Cientificonan ta adverti di keintamento irreversiblel

DOS estudio inovador publica den Nature Climate Change a manda un advertencia serio: mundo probablemente ya a surpasa e limite di keintamento di 1.5 grado Celsius estableci p'e Acuerdo di Clima di Paris. E conclusion alarmante aki ta sugeri cu esfuersonan global pa combati cambio climatico por ta demasiado poco, demasiado laat, mientras cu científico di clima renombra James Hansen a bay ainda mas leu, prediciendo cu temperatura global lo surpasa 2 grado Celsius den e decadanan venidero.

Evidencia científico: Nos a pasa e limite di 1.5 grado?

E estudionan, dirigi pa Alex Cannon di Environment and Climate Change Canada y Emanuele Bevacqua di e Centro Helmholtz na Alemania, ta resalta cu e 12 lunanan consecutivo di temperatura global record ta indica un probabilidad di 60% te 80% cu e meta di 1.5 grado ya a wordo surpasa. Si mundo experiencia 18 luna na of riba e rumbo aki, e violacion lo ta virtualmente sigur.

Uzando data historico di clima y modelahe predictivo, e estudionan ta sugeri cu 2024 probablemente ta parti di e prome periodo a largo plaso di keintamento di 1.5 grado, haciendo casi imposibel pa reverse e trayectoria dentro di e cuadro di Paris.

E consecuencianan di surpasa e limite

Surpasando 1.5 grado lo tin efectonan devastador riba ecosistema global y poblacionnan humano.

Cientificonan ta adverti di:

- Olanan di calor, incendionan di mondi y segura mas intenso
- Aumento di nivel di lama menasando ciudadnan costero



- Destruccion di rif di coral y perdida di biodiversidad
- Aumento di frecuencia di eventonan climatico extremo

Na 2 grado di keintamento, e riesgonan ta bira ainda mas catastrofico. Dertimento di capa di ijs lo acelera, hibando na un aumento di nivel di lama sin precedente, desplasando miyones di hende. Rendimiento agricola lo disminui, intensificando inseguridad alimenticio y hopi region lo bira inhabitabel pa motibo di calor extremo.

Accion rapido di clima ainda por haci un diferencia?

Mientras cu e estudionan aki ta pinta un cuadro sombrío, científiconan di clima ta enfatisa cu cortenan di emision urgente y agresivo ainda por yuda reduci keintamento y preveni e scenari-onan mas negativo. Richard Allen, un profesor di ciencia di clima na Universidad di Reading, ta subraya e importancia di duplica politica di clima pa evita surpasa 2 grado.

Sinembargo, retonan politico ta keda. Algun nacion, incluyendo Argentina y Indonesia, ta raporta cu nan ta considerando pa retira for di e Acuerdo di Paris, siguiendo e precedente estableci p'e salida anterior di Merca. Movimiento asina por debilita ainda mas esfuersonan internacional pa ataca e crisis.

Un cruce critico: E futuro di politica di clima

Mientras cu e meta di 1.5 grado kisas no ta alcansabel mas, científiconan ta adverti contra derotismo climatico. Daniela Schmidt, un profesor di ciencia di Tera na Universidad di Bristol, ta adverti cu fihando riba 1.5 grado como un fracaso absoluto por hiba na reduccion di accion, haciendo e situacion ainda mas pio.

Manera James Hansen y otro expertonan di clima ta señala, e siguiente punto critico ta 2 grado Celsius. Si e tendencianan actual continua, nos por crusa e liña ey den dos decada. Mundo ta na un crusada critico—sin cambionan di politica inmediato y radical, e crisis climatico lo dreña spiral den daño irreversiblel. E pregunta ta keda: **Lidernan global lo actua prome cu ta demasiado laat?**

DESTINY SECURITY

OPORTUNIDAD PA Trabou

ATTRACTIVE SALARY
JOB BENEFITS

WE ARE LOOKING FOR TALENTED AND PASSIONATE PEOPLE TO JOIN OUR TEAM.
IF YOU WANT A PLACE WHERE YOU CAN GROW PROFESSIONALLY AND WORK IN A COLLABORATIVE ENVIRONMENT, **THIS IS YOUR OPPORTUNITY!**

DESTINY SECURITY **DESTINY SECURITY OFICIAL** **5947937**

Medidanan mundial:

Paisnan ta intensifica deportacion masal di migrantenan ilegal

ROND mundo, gobiernonan ta intensificando nan esfuerso di aplicacion di inmigracion, hibando na deportacion masal di migrantenan ilegal. For di Merca te Europa y mas leu, autoridadnan ta implementando politica di frontera mas estricto, aumentando capacidadnan di detencion y acelerando expulsion.

Mientras cu sostenedonan ta argumenta cu e medidanan aki ta necesario pa siguridad nacional y estabilidad economico, criticonan ta adverti di posibel violacionnan di derecho humano y crisisnan humanitario.

Merca: Operacionnan di deportacion na gran escala

Den lunanan reciente, Merca a escala su esfuersonan di deportacion na nivelnan sin precedente. E administracion Biden, enfrentando presion politico riba cruce di frontera cu ta aumentando, a empodera Inmigracion y Aduana (ICE) pa conduci razianan agresivo. Un operacion di 18 dia a hiba na 11.000 aresto, forsendo autoridadnan pa re-utilisa cuatro prizon federal pa detencion di migrante.

Agregando n'e controversia, e gobierno Mericano ta reporta cu ta expandiendo facilidatnan di detencion na Guantánamo Bay, cu e meta di acomoda te cu 30.000 detenido sperando deportacion. E movicion aki a lanta critica di organisacionnan di derecho humano, cu ta argumenta cu deportacion masal por separa famianan y viola proteccion di asilo.

Reino Uni: Politiconan mas duro y aumento di vuelonan di deportacion

E gobierno di Reino Uni tambe a aumenta su programa di deportacion, yegando un nivel mas halto den seis aña den e cantidad di expulsion. Den e ultimo seis lunanan so, aproximadamente 18.987 persona a wordo deporta, cu tres kwart di nan saliendo riba vuelonan comercial bao di un programa di salida boluntario.

Pa reforsa su posicion, Reino Uni a cuminsa publica imagennan di vuelonan di deportacion, un movimiento destina pa desanima inmigracion ilegal. Mientras tanto, un acuerdo controversial cu Rwanda tin como meta reloca esnan cu ta busca asilo for di Reino Uni p'e nacion Africano, aunke desafionan legal ta sigui retrasa su implementacion completo.

Union Europeo: Expulsion coordina entre estadonan miembro

Atraves di Europa, multipel nacion a intensifica nan aplicacion di inmigracion. Na 2024, Alemania a lidera e EU den deportacionnan, sigui pa Francia y Suecia. E gobiernonan aki a introduci controlnan di frontera mas estricto y procesonan di repatriacion mas rapido, specialmente dirigi riba migrantenan for di Medio Oriente, Africa y Europa Oriental.



E pacto di migracion di EU, aproba na 2024, a acelera proceduranan di deportacion y aplicacion di frontera externo. Italia y Grecia, dos punto clave di entrada pa migrante, a fortalece cooperacion cu nacionnan di Noord Africa pa intercepta botonan di migrante prome cu nan yega costa Europeo.

Otro nacionnan: Tendencia global pa politica di inmigracion mas estricto

Australia a implementa un proceso di deportacion expidi p'esnan cu a keda mas tempo cu nan visa permiti y trahadonan indocumenta, particularmente for di Zuidoost Asia.

Saudi Arabia a realisa deportacionnan masal di migrante Africano, citando preocupacionnan riba estabilidad di mercado laboral y cruce di frontera ilegal.

Mexico a aumenta su aplicacion contra migrante Centro Americano, hopi biaha deportando nan prome cu nan yega e frontera entre Merca y Mexico.

Conclusion: E aumento di deportacionnan masal den un orden mundial cambiante

E tendencia global di deportacionnan masal ta resalta e posicion cada bes mas rigido riba inmigracion den hopi nacion. Mientras cu gobiernonan ta hustifica e medidanan aki como necesario pa siguridad di frontera y estabilidad economico, organisacionnan di derecho humano ta adverti di e costonan humanitario, incluyendo separacion di famia, deportacionnan incorrecto y proteccion di asilo inadecuado.

Mientras cu mundo ta lucha cu retonan di migracion, e debate ta continua: paisnan mester priorisa aplicacion estricto, of nan mester enfoca riba reforma di inmigracion a largo plaso cu ta balansa siguridad cu dignidad humano? E futuro di politica di migracion global ta keda incierto, pero un cos ta cla—deportacionnan masal ta reformando migracion internacional manera nunca antes.

DEPORTE

DEPORTE@AWEMAINTA.COM

WRCA ta orguyoso di introduci e siguiente generacion di campeon di Windsurfing

WIND Racers Club Aruba (WRCA) recientemente a bay bao direccion di mayornan cu ta determina pa introduci nan deporte favorito na nan yiunan.

Miembronan di e club awor ta topa otro tur diadomingo na Fishermen's Hut, y ta conduci caredanan den tres categoria: Beginner, Intermediate, y Young Guns. E categorianan ta uza den nos caretera blauw, Aruba su strip largo unico di awa na unda cu caredanan di distancia largo ta tuma luga.

Diadomingo ultimo un poco riba man, Sara-Quitta Ofringa, ganado 25 biaha di Free Style, World Windsurfing Champion, a bini papia cu e muchanan un rato y comparti su amor pa velocidad, biento y lama.

WRCA awor ta bao guia di un gerencia nobo, desde juli 2024, nan ta Hans Mondria, Marcel Nobels, Patrick Rosse y Reinier van Sisseren. Nan tur ta experto, cu hopi experiencia den loke ta e deporte di Windsurfing, y totalmente dedica n'e idea di trece muchanan bek na disfruta nos lama.

Un total di bintishete hoben a participa den e caredanan riba diadomingo ultimo, na unda binti miembro y shete no-miembro, tur hende ta bon bini. E participante di mas jong, tabata tin ocho aña, y esun di mas bieu diescuater.

E organisacion ta spera di por cuminsa mira mas mucha jong local participa den Windsurfing, den mesun forma cu nan ta participa den futbol, baseball, y otro clubnan deportivo, drentando den cualkier nivel, y participando den deporte despues di scol y riba fin di siman.

Pa participa: Mester ta riba ocho aña di edad, trece un rash guard, sunscreen, sapato di awa tambe ta opcional. Tur otro ekipo di Windsurf ta inclui. E contribucion pa muchanan den beginner y intermediate ta AWG. 100 pa luna, basa riba un averahe di AWG. 25 per meet. E club no ta un iniciativa comercial, e ta funda cu e deseo real pa mira mucha jong y talentonan den windsurf wordo desaroya riba nos isla.

Orario: Tur diadomingo 9'or di mainta.

Localidadnan: Banda di Vela na Fishermen's Huts



<https://www.facebook.com/windrancersclubaruba/>

WRCA a keda estableci rond 1986, ora cu windsurfers local a anuncia e prome international Hi-winds, un competencia cu awor ta na su di 35 edicion. WRCA inicialmente a cuminsa cu nan caredanan riba Eagle Beach, y despues Palm Beach, pero a dicidi di permanece riba Fishermen's Huts mirando cu e ta un localidad preferi. E club ta representa un grupo di hende cu ta semper cla pa hiba nan amor pa lama na un otro nivel, pa medio di nabega e olanan y presenta tremendo diversion pa alegra esnan practicando manera tambe e mirones.



Un competencia espectacular di landamento artistico na honor di Dia di Betico

ARUBA Aquatics Federation a organisa exitosamente e prome competencia di Landamento Artistico di aña riba diasabra, 8 di februari, na Piscina Olimpico Roly Bisslik na Savaneta. E evento emocionante aki a wordo organisa na honor di Dia di Betico, celebrando tanto excelencia atletico como herencia cultural di e isla.

E competencia a demostra e talento increibel di nos 25 atletanan, kendenan a competi den varios categoria di edad: Principiante, 10 aña y menos, 12 aña y menos, Hubenil, Junior, y Senior. Participantenan a demostra nan habilidadnan tecnico y presentacionnan artistico den figures, solo, dueto, y rutina di team, impresionando e publico cu nan precision, sincronisacion, creatividad y forsa.

Un total di 17 rutina a wordo presenta, cu atletanan evalua pa un panel di huesnan basa riba nan habilidadnan tecnico, flexibilidad, dificultad di rutina, coreografia, expresion facial, y sincronisacion. Hopi di e rutinanan aki ta parti di e preparacion pa e Campeonato PanAm Aquatics na Medellín, Colombia, den mei venidero, unda e team di landamento artistico di Aruba lo competi cu orguyo riba escenario internacional.

Aparicion special di atleta Elite Kyra Hoevertsz

E competencia tambe a presenta un actuacion special di Kyra Hoevertsz, atleta elite di landamento artistico di Aruba, kende a test e awa cu su rutina solo nobo. Kyra lo competi cu e rutina aki na e Weganan di Copa Mundial na Paris den maart, representando Aruba riba un di e scenarionan mas grandi di e deporte. Su presencia na e evento a sirbi como inspiracion pa atletanan mas jong y e comunidad local di landamento artistico.


Un danki sincero

Aruba Aquatics Federation ta extende su gratitud na:

- Nos atletanan dedica pa nan trabou duro y pasion
- Nos huesnan y oficialnan experto pa nan tempo y experticio
- E mayornan cu ta duna apoyo pa nan animo
- Nos boluntarionan increibel cu ta haci eventonan asina posibel

Join e comunidad di landamento artistico!

Aruba Aquatics Federation ta comprometi na promove y desaroja deporte acuatico pa tur edad, desde principiante jong (5



aña) te cu atletanan di nivel maestro, door di provee atletanan cu oportunidadnan pa train, competi, y representa Aruba internacionalmente. A traves di varios programa, e Federacion ta sigura accesibilidad na landamento, landamento den awa habri, landamento artistico y otro disciplina acuatico.

Si bo ta interesa den landamento artistico, no perde e proximo sesion di prueba cu Team Barracuda riba 15 di februari pa 8 AM na Piscina Olimpico Roly Bisslik na Savaneta.

Pa resultado oficial di competencia y actualisacion di eventonan venidero, sigui @arubaaquatics federation riba social media.

Cu bista riba un futuro mas tecnologico y digital

A reuni cu COP den cuadro di plataforma digital “COP Online”

DURANTE un reunion virtual cu a tuma luga diabierna siman pasa, a logra combersa cu Sra. Damaris Young, cu ta president di Comité Olimpico di Panama (**COP**) den cuadro di un sistema digital cu recién COP a implementa. Banda di Damaris, tambe presente den reunion tabata Director Tecnico di COP, Sr. Carlos Ivan Bermeo cu tambe ta conta di su experiencia utilizando e plataforma digital nobo di COP na nivel deportivo.

E sistema cu COP a implementa ta un plataforma digital cu ta ser uza den tur capacidad importante di un Comité Olimpico Nacional. E plataforma aki yama “COP Online” y ta no solamente pa uza di e personanan cu ta traha cu COP, pero tambe e federacionnan deportivo y demas gruponan di interes.

A traves di inteligencia artificial y otro “tools” digital, e plataforma ta percura pa simplifica hopi proceso y crea un sistema unda tur hende ta traha igual. Comité Olimpico Arubano (COA) ta mira esaki manera un tremendo “tool”



digital cu sigur ta interesante pa por haci uzo di dje na Aruba. COA ta den proceso di kier implementa mas tecnologia manera plataformanan digital y inteligencia artificial, p'asina facilita e procesonan pa un y tur.







COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

 **787-999-3292**

 **@caribbeancinemasaruba**


 **Caribbean Cinemas Aruba**

DOWNLOAD OUR APP





Aruba a perde den su prome wega pero a mustra bon futbol



DIALUNA, Aruba a hunga su prome wega contra Republica Dominicano, unda e resultado a keda 1-0 na favor di e ekipo contrario.

A pesar di e derota, Aruba a mustra un bon futbol y a crea varios oportunidadnan, pero lamentablemente no a logra probecha di nan.

Awor, e seleccion ta prepara pa su proximo partido diaranson 7:00 PM contra Panama, e pais di cas. Panama a cuminsa fuerte den e torneo, ganando Grenada cu un marcado di 8-0. Aruba lo mester duna su miho pa busca un bon resultado.



CAYA HARMONIA 1. LOKAAL 2
NOORD (PATRAS CITGO SASAKI)

Designed by **divvoo**

@junglecafe



Proyecto pa renoba y instala luz LED ultramoderno a inicia na veld di S.V. Dakota

DIALUNA mainta, Parlamentario Endy Croes hunto cu Parlamentario Hendrik Tevreden a acudi na veld di Dakota pa presencia inicio di e proyecto di renobacion y cambio di luz anticua, esta “halogeenlampen” pa luz LED ultramoderno. E proyecto a inicia na luna di juni di año 2024, unda cu a tuma e decision pa cambia pa luz LED ultramoderno cu ta mucho mas eficiente pa e veldnan na Aruba.

A traha un plan, unda lo order e luznan den “batch” di cinco (5) veld den conhuntio y a planifica pa haci e prome order durante e di dos mita di año 2024. Un di dos (2) order pa cinco (5) otro veld a wordo planifica desde e tempo ey caba pa tuma luga na inicio di año 2025. Un di tres (3) order lo mester tuma luga den e di dos mita di año 2025. Durante año 2026, lo mester finalisa e proyecto aki. En realidad e prome order a tuma luga den luna di october y a yega Aruba fin di december 2024.

Mientras, a atende cu e directivanan di e veldnan pa nan por re-organisa nan training riba e fechanan cu lo baha



e postenan. A prepara tur cos pa por inicia cu e bunita proyecto aki. E trabounan a inicia dialuna ultimo, unda cu a baha e seis (6) postenan di luz di veld di Dakota, cual ta e prome veld cu lo ricibi e atencion. Lo “high pressure wash” e mastnan, lo aplica un tratamiento di un material “macro proxy” y lo “prime” e mastnan cu un “epoxy primer” pa despues verf nan cu un “ultra paint” (antirust) pa garantia cu nan lo no frustia pa minimo 10 año. Tambe, lo instala “bracket” nobo y luz LED ultramoderno, pues un sistema completamente nobo. E trabou a inicia e siman aki na veld di Dakota y lo continua na veld di Estrella sigui despues cu veld di San Luis, Sportboys y Tanki Leendert.

“Mi ta gradici Minister di Deporte actual Sr. Dangui Oduber pa sostiene e proyecto aki realizando asina e vision di Gabinete Wever - Croes II y pa brinda mi e oportunidad pa sigui guia e Proyecto di Luz. Nos ta orguyoso di mira e fruto di e simia cu nos a planta wordo cristalisa y bira un realidad. E ganado final ta nos mucha- y hobennan cu ta haya un facilidad y infraestructura ultramoderno pa practica nan deporte. Pabien na nos colega Parlamentario di Dakota Hendrik Tevreden, pabien Dakota cu e bunita proyecto aki y pabien nos hobennan cu lo disfruta di esaki”, Parlamentario Endy Croes a finalisa.



Grupo Maria Auxiliadora - Santa Cruz

Beyisima
4 - 6 año

Lugar :
Maria School (Santa Cruz)

Tur diasabra.
4:30 PM - 6:30PM



Pa mas informacion:
Angela Angela: 561 3991
Eliandra Koolman: 569 8627
Facebook: Grupo Maria Auxiliadora - Het Arubaanse Padvindsters Gilde



Super Bowl LIX ta kibra record cu 126 miyon espectador

SUPER Bowl LIX por tabata un wega domina pa un team, pero esey no a impedi'e di bira e Super Bowl mas mira den historia. Segun Fox Sports, e partido a atrae un promedio di 126 miyon di espectador atraves di Fox, Fox Deportes, Tubi, Telemundo y e plataforman digital di NFL, estableciendo un record nobo p'e Super Bowl mas mira di tur tempo.

Cantidad di espectador a yega 135.7 miyon

A pesar cu Philadelphia Eagles a domina Kansas City Chiefs, fanaticonan ainda a sintonisa na nivelnan sin precedente. Espectadornan a yega na un cantidad di 135.7 miyon durante e di dos kwart entre 8:00-8:15 p.m. ET, ora e partido ainda tabata competitivo. Esaki a marca e audiencia di un solo kwart mas halto pa un Super Bowl den historia.

Mientras cu algun hende a spera cu e score desigual lo por a hiba na caida di espectador, e cifranan record di Fox ta sugeri cu e compromiso di fanatico ta keda halto, hasta ora e partido mes tabata falta suspenso.

Espectadornan di streaming ta yega un cantidad nobo

Un punto culminante importante di e Super Bowl di e aña aki tabat'e aumento den espectador digital y di streaming. Super Bowl LIX a registra un record di 14.5 miyon di espectador di streaming, demostrando e popularidad creciente di metodonan di transmision alternativo.

E plataforma di streaming gratis di Fox, Tubi, a hunga un rol significativo den e exito aki, representando 13.6 miyon di e audiencia total di streaming. Esaki ta señala un cambio den e manera con fanaticonan di deporte ta consumi eventonan en bibo, cu plataforman di streaming birando cada bes mas integral pa transmisionnan importante.

Exito di rating di Fox y strategia digital di NFL

Fox, cu tabata tin e derecho exclusivo pa transmiti Super Bowl LIX, tin tur motibo pa celebra. E cifranan record ta resalta e apelacion continuo di e Super Bowl como un evento cu mester wordo mira, hasta den un era unda cu e espectador di television tradicional ta bahando.

E enfasis di NFL riba expande su alcance digital tambe a duna resultado. Haciendo e partido accesibel atraves di multipel servicio di streaming, transmision den Spaño y plataforman digital, e liga a atrae exitosamente un audiencia mas amplio y mas diverso.

Mas dato detaya spera

Fox y Nielsen ta spera di publica cifranan mas detaya di e estadisticanan di espectador den siman. Analistanan lo ta mirando factornan manera rating- regional, tendencia-



demografico y nivelnan di compromiso di streaming pa compronde e impacto completo di e transmision historico aki.

Un cos ta cla—Super Bowl LIX a cementa su mes como un espectáculo cu a kibra record, pruebando un biaha mas cu NFL ta keda e rey indiscutibel di transmisionnan deportivo Mericano, hasta den e era di transformacion digital.

APPAREL

BOAT ACCESSORIES

TOD-MAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

A consecuencia di e trade di Luka Dončić

Fanaticonan di Mavericks expulsa pa cartolina di 'Fire Nico'

E tension rond di e trade controversial di Luka Dončić di Dallas Mavericks pa Los Angeles Lakers a escala mas ainda dialuna anochi ora fanaticonan a wordo expulsa for di American Airlines Center pa exhibi cartolina cu tabata bisa **"Fire Nico"**, refiriendo n'e manager general Nico Harrison.

E trade di e superstrea di 25 aña di edad a hiba na protesta pafo di e arena caba, cu fanaticonan exigiendo retiro di Harrison y pidiendo pa doñonan di team Patrick Dumont y Miriam Adelson bende e franchise. E incidente di dialuna paden di e arena solamente a profundisa e conflicto creciente entre e oficina principal di Mavericks y su base di fanatico.

Siguridad ta expulsa fanaticonan cu cartolina di 'Fire Nico'

Durante e wega di Mavericks na cas contra Sacramento Kings, un fanatico a capta e camara di e scoreboard durante un segmento di karaoke, pero en bes di canta, el a parce di pronuncia e palabranan "Fire Nico." Poco despues, e mesun fanatico y un compañero a hisa cartolinanan cu e slogan, atrayendo atencion di e personal di e arena. Siguridad a acerca nan rapidamente y imagennan di video comparti online ta mostra ambos fanatico wordo escolta pafo meimei di gritonan di desaprobacion duro for di e publico.

The Dallas Morning News y Tim McMahon di ESPN a confirma despues cu e fanaticonan expulsa tabata en berdad esunnan cu tabata tene e cartolinanan di protesta. Mientras tanto,



Photocredit: AFP

rapportnan ta sugeri cu siguridad por tabata activamente acerca fanaticonan cu tabata expresa nan disgusto cu e oficina principal, ya cu multipel persona supuestamente a wordo saca pa motibonan similar.

Dumont a haya 'boo' pa fanaticonan, tension ta aumenta

Den un otro momento cu a subraya e profundo descontento, e doño di Mavericks, Patrick Dumont, a wordo ricibi cu un coro di 'boo' ora el a tuma su asiento na cancha. E respuesta aki ta refleha e frustracion general riba e manera cu e team a maneha e salida di Dončić, cual hopi fanatico ta kere a pone futuro di e franchise na peligro.

Pa haci e cos mas pio p'e simpatisantenan di Mavericks, e expulsion a tuma luga apenas un ora prome cu Dončić a haci su debut p'e Lakers na Los Angeles,

hungando hunto cu LeBron James den loke a wordo mira como un momento definitorio pa su team nobo.

Mavericks silencioso mientras reaccion di fanatico ta crece

Te na final di e wega, cual Mavericks a perde den overtime contra e Kings, 129-128, e organisacion no a publica un declaracion riba e expulsion. E entrenador Jason Kidd tampoco a papia cu media, lagando fanaticonan sin claridad riba e situacion.

Mientras cu Mavericks por tabata spera di domina e disidencia, sacando fanaticonan cu tabata protesta for di e arena ta parce di tabata tin e efecto contrario. Cu emocionnan ainda halto, e decision pa silenciar critica solamente por aleha mas ainda un base di fanatico cu ya caba ta sufriendo di e salida di nan strea stima.

Despues di retraso

Esports Olympics poni pa debuta na 2027 na Saudi Arabia

E Weganan Olimpico di Esports, hopi spera, oficialmente lo wordo lansa na Riyadh, Saudi Arabia, na 2027, marcando un atraso di dos aña for di e target original di 2025.

E anuncio, haci p'e Comité Olimpico Internacional (IOC) diamars, ta confirma cu e evento lo wordo organisa den partnership cu e fundacion Esports World Cup di e reino.

Un era nobo pa gaming competitivo

Saudi Arabia a haci avance significativo den posiciona su mes como un hub global pa esports, siguiendo e exito di su prome Esports World Cup na juli y augustus ultimo. E evento a presenta un premio record y a atrae competidonan top den titulonnan popular manera Call of Duty, Fortnite y Street Fighter.

Mientras cu detayenan tocante e lineup oficial di wega p'e Olimpiada di Esports ta keda bou di discusion, e IOC a enfatisa e importancia di alinea e seleccionnan cu e balornan Olimpico. Esaki a hiba na incertidumbre si weganan di tiramento, un forsa dominante den e mundo di esports, lo wordo inclui den e programa.

Gobernacion y proceso di seleccion di wega

E Comité di Olimpiada di Esports, un panel di seis persona co-dirigi pa veterano di IOC Ser Miang Ng y minister di deporte Saudi Prince Abdulaziz bin Turki Al Faisal, a wordo asigna e tarea di determina e structura di e evento y e seleccion di weganan. Nan decisionnan lo forma e prome competencia Olimpico di esports, sigurando cu e ta cumpli tanto cu standardnan competi-



Photocredit: AFP

tivo como etico.

E confirmacion aki ta bin apenas dos dia despues cu Principe Heredero Saudi Mohammed bin Salman a host un delegacion Olimpico di alto nivel na Riyadh, incluyendo presidente di IOC Thomas Bach, kende ta programa pa baha for di su rol na juni.

Influencia creciente di Saudi Arabia den deporte global

E partnership di 12 aña entre e IOC y Saudi Arabia ta subraya e rol creciente di e reino den deporte global. Riyadh ya a sigura varios evento deportivo di alto nivel, incluyendo e Copa Mundial di FIFA 2034, cual a wordo confirma na december. E decision pa host e Weganan Olimpico di Esports cada dos aña ta cementa mas ainda e ambicionnan di Saudi Arabia pa bira un potencia den tanto deporte tradicional



como digital.

Kico ta sigui p'e olimpiada di Esports?

Mientras cu e prome Olimpiada di Esports originalmente tabata programa pa 2025, organisadonan ta kere cu e dos añanan adicional lo permiti pa un competencia mas structura y bon prepara.

Eventonan di clasificacion pa ekiponan nacional ta spera di cuminsa mas laat e aña aki, cu hungadonan di rond mundo competiendo pa un luga den e torneo historico aki.

Mientras cu esports ta sigui haya reconocimiento mainstream, e Olimpiada di Esports ta estableci pa redefinir e panorama global di gaming, proveyendo hungadonan profesional cu un plataforma sin precedente pa demostranan habilidadnan riba e escenario Olimpico.

BON PA SA



Edicion Dia di San Valentin

DIA di San Valentin, celebra tur aña riba 14 di februari, ta un dia di fiesta rico na historia y tradicionnan. Aki 15 hecho intrigante tocante e dia di amor aki:

1. Origen antiguo: Dia di San Valentin ta haya su raiznan te n'e festival Romano di Lupercalia, un celebracion di fertilidad teni riba 15 di februari. Den siglo 5, Papa Gelasius I a reemplasa Lupercalia cu Dia di San Valentin, moviendo e fecha pa 14 di februari.

2. Varios Santo yama Valentin: E Iglesia Catolico ta reconoce por lo menos tres santo diferente yama Valentin of Valentinus, tur tres martirisa.

Un leyenda ta sugeri cu Valentin tabata un sacerdote cu a desafia e prohibicion di Emperador Claudius II riba matrimonio y a sigui celebra nan den secreto.

3. Prome mensahe di San Valentin: E prome mensahe di Valentin conoci cu ainda ta existi awe tabata un poema skirbi pa Charles, Duque di Orleans, pa su esposa na 1415 mientras e tabata encarcela den e Toren di London.

4. Produccion masal di carchi di San Valentin: Den e añanan 1840, Esther A. Howland a cuminsa bende e prome carchi di Dia di San Valentin produci na masa na America, ganando e titulo di "*Mama di e Dia di San Valentin.*"

5. Celebracionnan global: Mientras cu Dia di San Valentin ta wordo celebra ampliamente na Merca, Canada, Mexico, Reino Uni, Francia y Australia, otro paisnan tin nan propio tradicionnan unico. Por ehempel, na Hapon, muhenan tradicionalmente ta duna chuculati na hombernan riba 14 di februari y hombernan ta coresponde riba 14 di maart, conoci como "Dia Blanco."

6. Dia di San Valentin y parha: Den Edad Media, na Francia y Inglatera tabata wordo keri cu 14 di februari tabat'e comienso di e temporada di parimento di parha, loke a agrega n'e idea cu e mita di februari mester ta un dia pa romance.

7. Origen di cupido: Cupido, e kerubin lansando flechanan di amor, a origina for di mitologia Romano. E t'e yiu di Venus, e diosa di amor.



8. Caha di chuculati den forma di curason: Na 1868, Richard Cadbury a introduci e prome caha di chuculati den un caha den forma di curason pa Dia di San Valentin.

9. Regalonan popular: Aproximadamente 36 milyon caha di chuculati den forma di curason ta wordo bendi tur aña pa Dia di San Valentin.

10. Poder di flor: Rosa t'e flor mas popular duna riba Dia di San Valentin, cu rosa cora simbolizando amor y pasion. Ta estima cu mas di 250 milyon rosa ta wordo produci p'e dia festivo anualmente.

11. Cantidad di carchi di felicitacion: Aproximadamente 145 milyon carchi di Dia di San Valentin ta wordo intercambia anualmente, haciendo esaki e di dos dia festivo mas grandi pa carchi di felicitacion despues di Pasco.

12. No solamente pa pareha: Na Finlandia y Estonia, Dia di San Valentin ta wordo celebra como "Dia di Amigo," enfocando riba recorda amigonan en bes di pareha.

13. Amor pa mascotanan: Hopi doño di mascota ta muestra amor na nan amigonan peludo riba Dia di San Valentin. Ta estima cu alrededor di 27 milyon hogar Mericano ta duna regalo di Valentin na nan mascotanan.

14. Dia di consciencia di soltero: P'esnan cu no ta den relacion romantico, 15 di februari ta wordo celebra como Dia di Consciencia di Soltero, un dia pa celebra bida di soltero y amor propio.

15. Impacto economico: Dia di San Valentin ta un evento comercial significativo, cu gasto total na Merca yegando mas di \$27 bilon den añanan recien. Esaki ta inclui gasto na joyas, flor, mangel y come afo.



NOW PLAYING




A Complete Unknown

In the early 1960s, 19-year-old Bob Dylan arrives in New York with his guitar and revolutionary talent, destined to change the course of American music. Forming his most intimate relationships during his rise to fame, he grows restless with the folk movement, making a controversial choice that reverberates worldwide.



Loveyapa

A couple swaps mobile phones, leading to shocking revelations about their relationship. As they uncover hidden secrets, their trust crumbles and chaos ensues.



Companion

A billionaire's death sets off a chain of events for Iris and her friends during a weekend trip to his lakeside estate.



Dog Man

When a police officer and his faithful police dog get injured in the line of duty, a harebrained but life-saving surgery fuses the two of them together -- and Dog Man is born. As Dog Man learns to embrace his new identity, he must stop feline supervillain Petey the Cat from cloning himself and going on a crime spree.

For Showtimes and Online Ticketing: www.caribbeancinemas.com



FUN FACTS

Robot y humano lo comparti pista durante un half marathon na Beijing



PA prome biaha, android y atleta humano lo competi hunto den un half marathon na Beijing. E evento aki sin precedente, programa pa april, lo tuma luga den e Area di Desaroyo Economico y Tecnológico di Beijing (E-Town) y lo reuni 12 mil coredo, entre nan varios robot diseñá pa algun di e empresanan mas innovador di mundo.

Empresa manera Tesla, Boston Dynamics y 1X lo presenta su creacionnan den e careda unico aki, unda cu e robotnan lo mester cumpli cierto rekisitonan. Solamente esunnan cu forma humanoide por participa, un haltura di entre 50 centimeter y dos meter y e capacidad di move riba dos pia. Aunke e humanonan lo sigui tin e bentaha den velocidad y resistencia, e mashinnan lo competi pa premio cash dependiendo di nan desempeño den e prueba.

Un di e mayor retonan p'e androidnan ta velocidad. Mientras cu un coredo bon getrain por mantene un ritmo di 14 kilometer pa ora pa completa e 21,1 kilometer den 90 minuut, e robotnan ainda ta un paso atras. Actualmente, nan veloc-

idad promedio ta varia entre 8 y 12 kilometer pa ora, loke ta obliga nan mehora nan rendimiento si nan kier crusa e meta den un tempo competitivo. Otro obstaculo clave lo ta e duracion di bateria, aunke e organisadonan lo permiti e recharge di energia durante e competencia.

Esaki no t'e prome biaha u e robotnan participa den reto deportivo. Na 2023, Laibo 2, un robot cuadrupedo Sur Koreano, a logra completa un marathon cu un solo charge di bateria. Sinembargo, debi cu e evento nobo aki ta enfoca exclusivamente riba robot di dos pia, no lo por join e competencia.

E robot Chines Tiangong, cu aña pasa a sorprende door di core 100 meter hunto cu e atletanan humano den e Half Marathon di Yizhuang, awo lo busca pa completa henter e careda.

E mashinnan aki lo por reta e limitenan y acerca e rendimiento humano? E careda lo duna e contestanan aki.

Fomentando Paz

Awe ta Dia Internacional pa Prevencion di Extremismo Violento cu ta Conduci na Terrorismo



TUR 12 di februari, mundo ta uni pa reflexiona riba e camindanan cu ta hiba na extremismo violento y con pa evita nan. Radicalisacion no ta sosode di anochi pa mainta. E ta un proceso cu, den hopi caso, ta nace di desesperansa, e exclusion y e falta di oportunidadnan. Compronde e raiz di e problema aki t'e prome paso pa construi un sociedad mas sigur y pacifico.

Extremismo violento no ta distingui frontera ni edad. E por surgi den cualkier contexto, alimenta pa discurso di odio, desigualdad economico of hasta pa aislamiento social. E clave pa combatie ta radica den educacion, dialogo y inclusion. Ta fundamental brinda e comunidadnan herment cu ta permiti nan fortalece su resiliencia na ideologia destructivo. E prevencion ta cuminsa den e hogarnan, scol y e espacionan di convivencia.

E storia di esunnan cu tabata victima di terrorismo ta recorda nos e urgencia di e causa aki. Tras di cada atentado tin bida




kibra, famia destrui y comunidad marca pa miedo. Pero tambe tin speranza. Ta existi programa di reinsercion, iniciativa di mediacion y proyecto di reconciliacion cu a demostra cu cambio ta posibel. Scucha esunnan cu a sali for di e ciclo di violencia ey ta yuda compronde cu, cu sosten, cualkier por haya un caminda nobo.

E conmemoracion di e dia aki no ta busca pa genera miedo, sino consciencia. Cada pesona tin un papel den e construccion di paz. For di rechasa discurso cu ta promove odio te fomenta inclusion den nos ambiente. No ta trata solamente di evita terrorismo, sino di sembra balor cu ta evita cu violencia ta mira como un solucion.

Laga nos recorda cu e fortaleza berdadero di un sociedad ta ancla den su capacidad di uni den momento dificil. E prevencion di extremismismo ta un responsabilidad comparti. Cu educacion, empatia y husticia, nos por construi un mundo unda miedo no tin luga y unda paz t'e unico opcion posibel.

Diahuebs awo na Centro di Bario Brazil

Filomena MAVO tin eleccion di Reina 2025



DIAHUEBS, 13 di februari 2025, Filomena College MAVO na San Nicolas, na nomber di Setar Aruba NV, ta organisa e eleccion di Reina 2025. E eleccion ta cuminsa 6:00pm y ta den Centro di Bario Brazil.

E prins “All” cu pancho “Out” cu ta Brandrick Ridderstap y Jay-Xiondrick Bisslip, lo saca Filomena Youth Queen 2025. Algun artista invita lo ta Tumberitonan infantil y hubenil '25 J-Vyön Besselink, Melody Franken, Dj Dyron, Gucci Dancers, Justin Trinidad “King J” y reina saliente Anwizyann Geerman. MC ta meneer Addonsito Croes cu ademas ta na cabes di e

comision organizado.

E candidatanan participando ta Xaphiera Granston, Saidriana Saint Velus, Josiella Boekhoudt, Shailienne Brown y Sheldry Boekhoudt.

Na final lo ta sacando best Costume recicla, best Show, best Speech, reina popular, reina fotogenica, second runner-up, first runner-up y Reina di Filomena College Mavo 2025.

Un y tur ta invita pa bin presencia y apoya Filomena College MAVO su eleccion di Reina '25 diahuebs, 13 di februari 2025 pa 6:00pm.



ACTIVIDADNAN DI SMAC 2025

11 NOV

 11/11 Carnival
Opening

10 AM-12 PM

11 JAN

 Parada di
Flambeu

8 PM-3 AM

12 JAN

 Eleccion di Prins
cu Pancho

6:30-11:30 PM

17 JAN

 Calypso y
Roadmarch
Infantil Hubenil

6:30-11 PM

18 JAN

 Eleccion di Reina
Infantil-Hubenil

6:30-11 PM

19 JAN

 Eleccion di Reina
Grandi y Sra.
Carnaval

6:30-11 PM

25 JAN

Dia di Betico

31 JAN

 Festival di Tumba
Infantil-Hubenil

6:30-10 PM

1 FEB

 Festival di Tumba
Aruba 53

8 PM-3 AM

2 FEB

 Parada di
Fantasia

2-6 PM

7 FEB

 Caiso & Soca
Monarch

8 FEB

 Caiso & Soca
Monarch

14 FEB

 Mascarade Parade
Savaneta

8 PM

14 FEB

Pre Jouve Events

15 FEB

Jouvert Morning

3-10 AM

16 FEB

 Traspaso di
Mando

10 AM-12 PM

16 FEB

 Parada di Mucha
Oranjestad

1-6 PM

19 FEB

 North In'l Sunset
Parade

7 PM-1 AM

21 FEB

 Parada Escolar
Scolnan Pre-
paratorio y Basico
Oranjestad

10 AM-12 PM

22 FEB

 Parada di Mucha
Noord

2-6 PM

22 FEB

 Aruba's Lighting
Parade

8 PM-3 AM

23 FEB

 Parada di Mucha
San Nicolas

1-6 PM

23 FEB

Momito

7-9 PM

27 FEB

Parada di Luz

8 PM-2 AM

28 FEB

 Parada Escolar
Scolnan Avansa
San Nicolas

10 AM-1 PM

28 FEB

 Parada Escolar
Scolnan Avansa
Oranjestad

10 AM-1:30 PM

1 MAR

 Parada Grandi
San Nicolas

11 AM-7 PM

2 MAR

 Parada Grandi
Oranjestad

11 AM-7 PM

2 MAR

Momo

7-10 PM



OPINION PUBLICO

Na defensa di e 'taxista pirata'

Autor: Arturo Desimone

A pasa un aña cu a haya mi amigo Sergio Maduro asesina. A haya su curpa, segun e reportahenan den prensa, na Matidiviri riba e prome dia di Pasco. Segun testimonio di e sicario mes, un cierto Bryan Jimenez Melo, despues di a pidi Sergio un lift, a uza e auto pa pasa riba dje. E auto ey, un Mitsubishi Galant di casi binti aña, tabata Sergio su herment di trabou.

Oficialmente, Sergio tabata traha warda den e ekipo pa proteccion di Cuerpo Especial Arubano, na cas di Gobernador. Aunke, sorprendentemente, e trabou ey riba su mes no tawata paga suficiente p'e bay dilanti den su proyecto di bida na Aruba den un mundo cu tanto crisis economico. E tawata biba den un apartamento preta, cu hopi cacho di caya cu el adopta y e tabata cuida su pareha y tur e cachonan, loke tawata un compromiso costoso. P'e motibonan ey Sergio tawata eherce su di dos ofishi, esun clandestino, e trabou cu na Aruba nan ta yama "Taxista Pirata" y loke nan ta yama "Uber" of "Didi" na otro pais na unda e aplicacion ey no ta prohibi manera na Aruba cu tin un censura digital door di Gobierno bou di presion di e union di taxista.

Sergio tabata biba un bida modesto y relativamente solitario, maske e tawata rondona pa su cachonan adoptivo. Su unico hobby extravagante tabata un coleccion di auto di co'i hunga: e autonan chikito di e marcanan Matchbox y Hotwheels, produci pa compania Mattel. E tabata order nan via e plataforma comercial Ebay, na unda el a competi den findishi online pa adkiri e obhetonan tan anhela. Pero awendia, cada ora cu mi biaha bay Argentina (cu ta mi di dos cas) y mi mira cu nan ta bende e co'i hunganan ey como antiguedad, of ora mi mira un amante di motor ta lora den auto "clasico" di aña '70 of '60 bon manteni, mi mester corda riba Sergio. Y mi mester domina e tentacion di manda Sergio un potret via Whatsapp p'e por admir'e. Pasobra el a muri na Matidiviri riba e pio dia den calender pa un hende solitario: e prome dia di Pasco.

E reportahenan ta sugeri cu e sicario, esta Melo, a haci como si fuera ta un otro pasahero a haci uzo di Sergio su servicio como taxista informal. Melo den su testimonio a confesa su secreto di ta un asesino serial cu a mata 15 hende y a dera nan curpa den mondi di Santa Cruz, creando henter un santana riba su mes. Ma e articulo aki no ta bay comenta mas riba e caso cera aki. Aworaki mester refleha riba e nificacion politico y economico di e morto calamitoso cu a pone un mancha scur riba e fiesta di Pasco na Aruba. P'esey e titulo di e articulo aki ta: Na Defensa di e 'Taxista Pirata'.

Sergio su ambicion di hubentud tabata pa bira piloto of nabe-gante y el a yega di bula avion chikito durante su entrenamiento

prome cu el a integra den CEA. Su di dos ofishi clandestino, a pesar di e nomber pret y algo stigmatiza, esta "taxista pirata", en realidad tawata trata di un servicio absolutamente vital y necesario pa un parti di e poblacion Arubiano: esnan cu no tin auto. Hopi trahado na hotel high-rise cu tin "night shift" ta sali for di nan trabou despues di 12 or di anochi, ora cu bus a stop di core. Nan ta localnan pober kende no por paga taxi oficial y hotel no a percura pa un servicio di shuttle pa hiba e empleadonan nocturno aki cas despues di nan warda. Mayoria di Sergio Maduro su clientela tawata netamente e hendenan aki.

P'esey Sergio nunca lo cobra di mas: tin biaha ami mes tawata keda sorprendi cu e tarifanan barata di maximo 10 pa 12 florin pa distancianan largo: tabata parce mas un acto di solidaridad cu e trahadonan aki, pasobra Sergio lo cobra prijs casi simbolico cu tawata parce pareu y tin biaha hasta menos cu e prijs di diesel of di gasolin e temponan aya, ora cu e gueranan di Ucrania y Medio Oriente a hisa balor di petroleo. Sergio tawata sufri di insomnio y ora mi tawata compa'ne, mi tawata haya henter un introduccion tocante un banda scondi di Aruba: na unda tin edificio y bario nobo di varios piso, colma cu hende cu cada bes ta mas pober, mientras cu construccion nobo di hotel ta menasa e naturalesa fragil cu Sergio tabata corda di su hubentud cu hopi nostalgia.

Na nos isla chikito un local sin rijbewijs ni vehiculo ta sinti su mes limita, cu un situacion cu por parce un handicap p'e y cu ta impact'e den tur faceta di su bida. A pesar cu ta aña 2025, na Aruba si bo no por participa di trafico motorisa como un conductor priva, bo tin un problema grandi. Kisas esencialmente nada no a cambia si nos wak den pasado. Algun siglo pasa Oranjestad tawata yama "Paardenbaai" y Aruba tawata cria cabay cu burico. Mi wela tawata conta con tempo el a yega Aruba cu binti aña, el a yega di mira banda di Sero Colorado con Arubianonan crioyo tawata celebra un boda, mientras e bruid y bruidegom cada un tawata sinta riba un burico durante e ceremonia matrimonial. A reemplasa cabay pa motor, e burico a cambia pa truck y a bira camion pa subi sero.

E persona cu no ta core auto awendia, mescos cu esun cu no tawata core cabay antes, ta un persona cu ainda no a drenta bida adulto y cu ta depende financieramente tambe di otro hende. E tramvia cu ta core den Caya Betico Croes desde 2013 ta un parodia nacional: un monumento infantil cu ta burla di e ambicion di un pais chikito, unda nunca a crea un sistema pa transporte masivo pa sirbi ciudadano. Na luga di esey a construi un modelo estilo Efteling pa entretene turista.

E taxistanan a haya hopi atencion negativo na 2024, ora cu prensa a revela un sistema gremial scandaloso cu hopi famia tawata uza pa pasa permit na nan pariente. No ta un sorpresa cu aki ta existi un forma di corrupcion den estilo di favoritismo familiar. →→

Memey dje debate e politico y activista Rudy Lampe, exminister di educacion, a publica riba su Facebook cu cierto intencion humoristico “#Legalize Uber!” A haci cherche di e idea aki, pasobra Lampe ta conoci pa su campaña di legalisacion di marihuana. Ma esaki no ta un wega. Union di Taxista a yega di eherce su poder formidable cu man di hero pa blokea cualkier yegada di aplicacion di lift manera Uber riba mercado Rubiano. E parti aki di e economia digital global ainda no a yega suelo Arubiano. Parcialmente esaki ta pa bon motibo: Uber, Didi, InDrive, Cabify entre otro, ta aplicacionnan cu ta conoci p’e explotacion di nan conductornan y pa nan comision halto.

E taxistanan ta expresa nan ansiedad rasonabel encunto e tipo di software aki. Maske e integracion di un economia di lift cu plataformanan semehante lo conbini e pasaheronan Arubiano sin vehiculo inmensamente, tambe e ta menasa e mercado y e ofishi di e taxista tradicional. Sinembargo, si Sergio Maduro por a haci uzo di e rekisitonan di seguridad den e aplicacionnan di por ehempel un Uber, e lo a gosa di miho proteccion y mas informacion tocante kende ta dreña auto cu ne. Y talbes su burdugu lo no a kere cu e lo por scapa despues di a gaña su chauffeur cu e t’un biahero normal pagando lift.

E peligro menor di Uber y Indrive y hermentnan semehante, lo ta di un clandestinidad mihor regla cu ta baha entrada di e taxista Arubiano y cu ta explota e chauffeurnan trahando p’e app, por ehempel forsando nan pa paga un comision hopi halto. Asina mes e aplicacionnan manera Uber tin hopi criterio y precaucion di cautela: cada conductor y tur usuario mester registra cu nan cedula y por wordo rastrea, locual por sigura cu no tin mas peligro p’e “taxista piratanan”.

Asina mes, Uber y InDrive ta sigui forma parti di un economia informal cu ta crece den un mundo unda cada bes tin menos seguridad di empleo. Nos ta habita un mundo cu e filosofo y sociologo Zygmunt Bauman a yama “modernidad likido” y “sociedad likido”, na unda tur e garantianan, derechonan, custumbernan familiar y ofishinan di pasado ta perde nan firmesa y e resultado ta cu bo no sa nunca di kico bo lo biba mañan. Kico t’e solucion anto? Kico lo honra e memoria di Sergio, e “pirata” cu tabata solidario cu e trahado di poco ingreso kende ta perdi anochi sin transporte, (ni auto, ni burico) despues di sali for di su trabou di warda?

Esaki no mester bira un lucha entre taxista formal y informal pa determina un perdedo y un ganado. Al contrario, mester bin un reforma politico den transporte unda tur trahado, hunto cu e ecologia y naturalesa isleño, ta victorioso, sin perde mas derecho of dignidad. Ta bon conoci cu na Aruba ta turista so ta forma e fuente di entrada prioritario pa taxista. Cliente local ta masha excepcional, pasobra un Arubiano cu no tin cen pa cumpra su propio auto of gasolin, no tin placa pa paga taxi tampoco.

Mester bin un plataforma di interes nacional y husto: un “Aruber” pa local so, un aplicacion cu por wordo uza na Aruba como transporte barata pa exclusivamente e pasaheronan local. E aplicacion hipotetico aki lo mester ta di tal manera programa cu solamente un residente, trahado local of esnan naci na Aruba, por “upload”

un scan, cu prueba di nan cedula Arubiano of di nan permit di residencia n’e isla den caso di inmigrante. Turista no tin cedula local y asina lo wordo exclui di e plataforma. Asina lo protege e mercado di taxista y car rental.

E aplicacionnan tipicamente ta graba tur usuario nan cedula pa motibo di seguridad. Asina lo por stop di oprimi y sacrifica e localnan cu no ta posee vehiculo priva y alabes ta preserva e clientela principal di taxista. Na Aruba (y na Corsou) tin trahado kende no kier traha unicamente cu e meta di cumpra un auto p’e por sigui bay su trabou. Cu e opcion di un “ride share app” pa isleño lo por amplia e panorama pa hende normal inverti den algo cu no ta auto. Ta djis un cuestion di programacion simpel y naturalmente, di somete cualke empresa cu ta mara via app n’e regulacionnan proteccionista di gobierno, loke mester inclui cu tal empresa ta habri y mantene por lo menos un oficina fisico na Aruba.

Esaki ta loke hasta Elon Musk a bay di acuerdo cu ne, ora Corte Supremo di Brasil a insisti cu e empresa Twitter (x.com) mester habri un oficina den un edificio fisico na Sao Paulo, si e compania kier sigui opera legalmente den e pais. E existencia di un app asina tambe lo disminui e exceso di vehiculo colmando nos isla. Lo tin mas trabou pa transportistanan manera Sergio (QEPD). Cada conductor lo mester comproba su competencia y su strafblad limpi (Sergio tawata un profesional di luho pa hende humilde, pasobra el a pasa door di training hasta di piloto!)

Asina lo tin menos tragedia den trafico di Aruba. Mas famia di poco ingreso lo por proyecta nan futuro sin cu mester pensa henter ora riba gasolin cu ta asina indispensable. E solucion aki di corto plaso lo ta hopi menos costoso y mas lihe cu un proyecto di lanta infraestructura nobo of di expande e itinerario di Arubus (aunke ey tambe expansion ta necesario).

E victoria supremo di tur esaki lo ta nos medioambiente y e beyesa natural di Aruba cu ta den un situacion di calamidad y di stress constante, como cu mas y mas truck, jeep, SUV y ATV ta plama y borota rond di nos isla y cant’i lama sin tene cuenta cu naturalesa. Ideal lo ta si varios usuario lo por comparti e mesun auto, mescos cu nan ta haci na varios pais, manera Tunesia, na unda taxi ta un metodo di transporte popular hibando pasaheronan multiple na diferente destino. Si lo bin un reforma legal y un programacion di un servicio estilo di Uber pa uzo exclusivo di local, mi ta pidi cu e medida legislativo ey lo hiba e nomber di Sergio Maduro, pa honr’e.

Sergio no a comete ningun crimen: el a bira victima ora el a ofrece un solucion pagabel pa hende comun cu ta enfrenta e desafionan absurdo di movecion na Aruba. Nos por modernisa sin acepta inhusticia moderno: nos por tin un programa diseña cu no ta haci daño n’e taxista y cu no ta laga un sindicato (cu ta orienta casi 100% riba un economia di sirbi turista) horca su conciudadano- y trahadonan kende ta anda na pia, casi pi’abou, sin auto, sin ningun otro forma di circula.

Cu un tiki creatividad tur partido por keda satisfecho. E alternativa ta, permiti mas tragedia manera esun di Sergio.



Husticia ta ordo Emsley Tromp debolbe miyones na CBCS



UN sentencia na Willemstad a determina cu e ex-director di Centrale Bank van Curacao en Sint Maarten (CBCS), Emsley Tromp, meter debolbe un suma miyonario n'e entidad bancario. Hunto cu ne, e ex-director-secretario Jerrald Hasselmeyer tambe ta obliga di paga e cantidad cu el a ricibi di manera indebido.

E sentencia ta establece cu ambos ex-funcionario a ricibi pago excesivo den forma di bonificacion, asistencia legal y otro beneficio sin e autorisacion debido. Tromp mester restitui cerca di 1,2 miyon florin cu el a obtene como gratificacion adicional sin e aprobacion di e Consejo di Supervision. Tambe e mester debolbe mas di 200 mil florin den bono relaciona cu Girobank, hunto cu 180 mil florin na honorario legal y asesoria fiscal. Fuera di esey ta existi e pago di 620 mil florin cu CBCS a destina na pago di awa y corriente di su cas. Entre otro gasto, corte a inclui e instalacion di panel solar y modificacion na su dak, sumando 300 mil florin adicional.

Tromp a purba di argumenta cu e caso tabata prescribi pero

corte a rechasa e postura aki. CBCS tin derecho na recla a e fondonan malversa y husticia a conclui cu e ex-ministernan di finansa Kenneth Gijsbertha (Coursou) y Ardwell Iron (Sint Maarten) no tabatin e autoridad pa exoner'e di e pago di placa.

Di su parti, Hasselmeyer a ordena na 2015 y 2016 e pago di un salario extra como bonificacion pa varios empleado, incluyendo e mes, sin e bendicion di e Consejo di Supervision. Awo e mester debolbe e placa aki.

E suma total cu ambos ex-funcionario mester paga bek lo aumenta cu interes legal desde 27 di augustus 2020. Fuera di esey, Tromp lo mester asumi e gastonan procesal, cu ta yega na casi 20 mil florin.

E veredicto aki ta marca un precedente den e maneho di fondo publico y ta reforsa e compromiso cu transparencia y e responsabilidad dentro di CBCS.

Fuente: Curacao.nu

Debi n'e aumento den demanda di transporte medico

Wit Gele Kruis ta enfrenta dificultad financiero



WIT Gele Kruis a ricibi recientemente cuater vehiculo nobo y ta spera agrega cinco mas e aña aki. Sinembargo director Lionel Sint Jacobs ta adverti cu e cantidad di traslado a aumenta significativamente den e ultimo cinco añanan, loke a genera un deficit financiero considerabel.

Desde 2019, WGK tin un contract cu SVB pa realiza aproximadamente 3200 traslado mensual. Pero na 2024, e demanda a aumenta na 4100 pashent pa luna, loke ta representa un aumento di 30% riba loke a presupuesta. E crecimiento aki a genera un deficit mensual di 30 mil florin.

N'e situacion aki, WGK ta spera un update di e presupuesto 2025 di parti di SVB, cu por inclui un revision di e cantidad di traslado. Ademá, autoridad di salud tin premira analisa e estructura di tarifa otro aña.

E presion financiero riba WGK cada biaha ta hopi mas. Na 2022, e fundacion a conta cu un reserva di cuater miyon florin, pero despues di un perdida di 300 mil florin na 2023, esaki a baha na 3,7 miyon. Pa 2024, a premira un perdida di 700 miyon florin, reduciendo e reserva na 3 miyon. Actualmente e costonan operativo a subi na 1,4 miyon florin pa luna, di cual 90% ta destina na personal. Pa un maneho responsabel, WGK mester un reserva igual na dos pa tres luna di operacion.


E organisacion ta ricibi anualmente 16 miyon florin den entrada, principalmente di SVB, Ministerio di desaroyo social, trabao y bienestar (SOAW) y e Ministerio di Salud,

Medio Ambiente y Naturalesa (GMN). Aunke e subsidionan lo aumenta cu 6% na 2025, e reduccion anula di 500 mil florin den contribucion di AVBZ ta afecta e finansa di WGK.

E organisacion a confia cu e analisis di autoridad di salud conduci na un solucion structural p'e tarifanan. Di lo contrario, e sostenibilidad di su operacionnan por hay'e comprometi.

Fuente: Curacao.nu

JOIN US





Padvindsters
11 pa 18 aña

Grupo Maria
Auxiliadora Santa Cruz

Lugar: Maria School
(Santa Cruz)

Orario: 4:30 PM - 6:30 PM

Dia: Diasabra

Pa mas informacion:
Eliandra Koolman: 569 8627
Angela Angela: 561 3991
Facebook: Grupo Maria Auxiliadora -
Het Arubaanse Padvindsters Gilde

Fortaleza pa Famia

Disciplina di Dios ta necesario den bida di tur hende

TA berdad cu hende no por biba manera nan kier, sin tene cuenta cu Dios, participando diariamente den maldad, inmoralidad, y tur otro clase di malicia.

Dios a duna nos libertad pa nos tuma decision pa nos mes, pero esey no mester bira libertinahe, pasobra e libertad cu Dios a duna nos tur ta pa nos por sirbi Dios cu henter nos curason y permanece den su boluntad. Nos mester imita Cristo den nos bida, nos mester imita Cristo Hesus, pasobra eynan nos ta demostra cu nos ta berdadero yiu di Dios.

Cada mayor mester sa di coregi y disciplina nan yiu, pasobra esey ta e amor berdadero cu nos ta demostra, pasobra hopi hende ta kere cu amor pa yiu, ta nifica cumpra tur cos pa bo yiu, Keds di marca, iphone, Ipad, etc. Hopi biaha nos ta malcria un mucha cu hopi cos, pero e disciplina y coreccion cu nos mester duna esey nos ta negligisha.

Un mucha mester di declina y coreccion, pasobra e bida di un mucha por pasa den cuatro fase si su mayornan no tene cuenta cu ne: 1. E ta cuminsa na mucha mala mucha; 2. Mucha baldadi; 3. Mucha rebelde; 4. y bandido. E ta deber di mayor pa haci tur locual ta posibel, buscando ayudo di Señor, p'asina lanta nan yiu den e declina di Señor.

Si bo sembra bon den un mucha, bo ta cosecha bon, pasobra bo tin cu corda cu e enemigo, e diabel ta tras di muchanan pa destrui nan, esey tur mayor mester compronde y nan ta stop di coopera, cu tur clase di wega y aventura cu muchanan kier pasa den dje.

Ta masha importante, pa tur mayor sa cu evita di tur manera pa siña bo yiu bebe alcohol, pasobra haciendo esey bo a dun'e un ayudo di gran balor den su bida, bo a proteha su estudio y tambe su futuro trabao, bo a apoya su integridad, y formalisa un bon caracter. Un tata mester demostra na su yiu hombernan cu e ta trata nan mama bon, nan tambe lo lanta cu e conocimiento cu hende muhe mester wordo respeta, y no maltrata.

Ora un mama demostra na su yiu muhenan con bon e ta trata nan tata, e yiu muhe tambe ta lo realisa cu hende homber mester wordo respeta y no maltrata.

Dios a duna yiu como regalo ta p'esey como mayor bo tin



cu siña nan lo siguiente: Mi yiu no rechasa e disciplina di Señor, ni aborece su reprendemento, pasobra esun cu Señor ta stima e ta reprende, mescos cu un tata ta reprende e yiu cu e tin delicia den dje (Proverbionan 3:11-12).

Esun cu ta stima disciplina ta stima conocimiento, ma esun cu ta odia reprendemento ta bobo (Proverbionan 12:1).

Esun cu laga di usa bara, ta odia su yiu, ma esun cu ta stim'e, ta disciplin'e for di tempran (Proverbionan 13:24).

Coregi bo yiu y e lo duna bo tranquilidad, si e lo haci bo alma contento (Proverbionan 29:17).

Disciplina bo yiu mientras tin speransa ainda, y no desea su morto (Proverbionan 19:18).

Hebreonan 12:6 ta bisa, pasobra esnan cu Señor ta stima E ta disciplina, y E ta suta tur yiu cu E ta ricibi.

Ma si boso ta sin disciplina, di cual tur a bira participante e ora ey boso ta yiu di afo y no yiu legitimo (Hebreonan 12:8).

Tur mayor cu ta disciplina nan yiu, ta haci esey pa bon, pa e mucha por lanta den e bon caminda y bira un ciudadano ehemplar.

E disciplina di Dios, ta necesario pa nos crecemento.

Santo di Dia

E balor di fe te na final

Awe ta Dia di San Arcadio

BIDA ta pone nos enfrenta na decision dificil, specialmente ora cu ta trata di nos creencianan. San Arcadio, cu nos ta recorda dia 12 di januari, tabata un homber cu a scoge p'e mantene su mes fiel na su fe, ora cu esey tabata nifica confronta morto cu curashi.

Arcadio a biba den tempo di e Imperio Romano, ora cu pa ta un cristian tabata implica un gran riesgo. E persecucionnan tabata cada biaha mas inteno y hopi tabata opta pa renuncia na nan fe pa nan por salba. Arcadio dicidi sconde, pero su ausencia a yama e atencion di autoridad. Como represalia, nan a aresta su famia, exigiendo su entrega.

N'e inhusticia aki, Arcadio a tuma un decision crucial. Na luga di huy of permanece den e sombran, el a presenta dilanti gobernador. E tabata sa cu haciendo esaki, e lo a enfrenta un castigo severo, pero e no tabata dispuesto pa nenga su fe. Hues a purba di persuadie, primintiend'e libertad si e ofrece sacrificio n'e diosnan Romano. Sinembargo. Arcadio a mantene firme.

Su sentencia tabata teribel. Na luga di ehecut'e rapidamente, nan a sometie na un tormento cruel: el a wordo mutila pocopoco. Nan a corta su miembronan un pa un, prolongando su sufrimento. Pero Arcadio no a keha ni a implora piedad. Den cada momento, el a probecha pa papia di su fe, lagando cla cu su spirito e tabata mas fuerte cu cualkier tortura.

Hasta ora cu solamente tabatin su bos,



el a pronuncia su ultimo palabranan: "Boso no a kita nada dimi; tur loke m'a perde mi tin nan na shelo". Cu e frase aki el a demostra cu su speransa a surpasa e dolor.

San Arcadio ta recorda nos cu curashi no semper ta midi den bataya gana, sino

den e firmesa pa sostene nos conviccionnan. Su ehempel ta sigui inspira esunnan cu ta enfrenta decision dificil. Si algun biaha bo ta sinti cu mundo ta pusha bo pa renuncia na loke bo ta, corda riba Arcadio. Tin biaha, e mayor fortaleza ta simplemente mantene bo mes fiel te na final.

Fe den e momentonan dificil

DEN bida, nos tur ta enfrenta momento di incertidumbre, dolor y reto cu ta pone nos fortaleza na prueba. Tin biaha, nos ta sinti cu e dificultadnan ta demasiado y nos ta puntra nos mes si realmente tin un salida. Ta den e momentonan ey ta ora cu fe ta converti den nos mayor aliado, no como un solucion magico, sino como un refugio cu ta duna nos e forza pa sigui padilanti.

Fe no ta nifica cu nos no lo tin problema. Hesus mes a bisa jos: “Den mundo lo tin afliccion, pero confia, mi a vence mundo” (Juam 16:33). Esaki ta recorda nos cu, aunke e pruebanan ta inevitabel, nos no ta nos so. Dios no ta laga nos un banda, sino cu e ta cana cu nos, fortaleciendo nos y guiando nos hasta ora cu nos no ta compronde.

Tin biaha, nos ta busca contesta inmediato of señal cla cu tur cos lo mehora pronto. Pero fe ta invita nos pa confia den e tempo di Dios, aunke no semper ta cuadra cu esun di nos. Ta dificil spera ora cu sufrimento ta pisa riba e curason, pero cada dia cu nos ta persevera, nos relacion cu nE ta fortalece.

E historia di Job ta siña nos cu hasta memey di dolor mas profundo, e confiansa den Dios ta sostene nos. Job a perde tur cos, pero nunca el a stop di busca Dios y na final, su fe a wordo recompensa. No pasobra Dios a debolbe loke el a perde, sino pasobra su curason a haya paz den e presencia divino.

Awe, si bo ta pasado door di un momento dificil, corda cu bo no tin cu carga e peso bo so. Dios ta cu bo, wantando bo y guiando bo, hasta den e dianan mas scur. Por ta bo no ta mira e solucion di inmediato, pero cada curason, cada acto di confiansa ta un simia cu lo duna fruta na su debido tempo.

Sigui cana, sigui kere. Fe no semper ta evita tormenta, pero ta duna nos e seguridad cu, na final, e luz di Dios semper ta briya.



FreeZoneAruba

Colleganan na Free Zone Aruba (FZA) NV
tin e tristo deber di anuncia fayecimento di mama stima di nos colega
Odette A.C. (Corry) Caster.



Sra Odette F. Caster-Molina

Viuda di Raphael J. F. Caster
20-7-1936 – 06-2-2025

Acto di despedida lo ta **Diabierna, 14 di February, 2025**
Orario: di **9AM pa 12PM** na Aurora Funeral Home – Cumana 76, Oranjestad, Aruba

Alavez nos kier anuncia cu nos oficina na Nieuwstraat 11, Oranjestad lo ta cerra durante e horario ariba mencion pa duna nos colleganan oportunidad pa por acompaña nos colega “Corry” y famia, y pa duna sosten y forza durante e momentonan dificil aki.

Nos ta pida comprension na un y tur y pa tuma bon nota di e anuncio aki.
Masha danki di antemano

Na nomber di Gerente di Free Zone Aruba (FZA) NV

Senor ta mi Wardador, mi no tin falta di nada
Den cucnuco di yeba berde e ta pone mi sosega.
E ta hibami na awa trankil, pa mi bolbe haya forza
Salmo :23

A fallece cristianamente:



**Norinda Martina
Donata-Goeloe**

*01-07-1954- †07-02-2025

Su esposo:

Mariano (Janny) Donata

Su Yuinan:

Javier Kock y yiu

Norman Kock

Su mayornan:

† Mathilda Goeloe- Flores y † Leon Pedro Goeloe

Su rumannan:

Carmen, Paul Braat – Goeloe y famia na Hulanda

Carlos y Silvia Goeloe – Kock y famia

† Richard Goeloe Y famia

Norma Goeloe y famia na Hulanda

Rudolf (Dolfi) Goeloe y famia na Hulanda

Ricardo, Gilma Goeloe y famia

Hilario (lai) , Jolly y famia

Violeta Goeloe y famia na Hulanda

†Leon Goeloe y famia na Hulanda

Su swa y Cunanan:

†Mario Donata y yui

†Fransisco Donata

Ilda Chirino y yuinan na Curacao

†Imelda Donata y yuinan

Benny Donata, Sra y yuinan

Dodo Donata y yuinan

†Gabriel Donata y † Sra y yui

Wein Donata y Sra

Sobrino y sobrinanan, primo y primanan y demas
famia Donata, Goeloe, Kock, Braat, Flores, Franken,
Croes, Canela, Clement, Trimon, Quandus, Rasmijn.

Su ex coleganan di Hospital.

Su ayudante di cas Karolay

E Acto di despedida y condolencia lo tuma lugar:



Diabierna 14 February 2025 for di 2:00pm pa

4:00pm.

E defunto lo reposa na Olive Tree Funeral Care &
Crematory na Piedra plat 27Z.

Nos disculpa si den nos tristeza por a lubida un of
otro familiar

Despues di despedida nos NO ta ricibi bishita na cas



Drenta su portanan cu gradicimento,
drenta su tempel cu cantica di alabansa,
glorific'e, bendiciona su Nomer.
Salmo 100:4

Cu dolor na nos curason, nos ta participa
fayecimento di:

dr. Rudolf
M.M. Jessurun

"Rudy"

*25-04-1934 - † 28-01-2025

Na number di su:
Esposa: †Griselda Jessurun-Isenia

Yiu: Carlos Jessurun y esposa Marlene Jessurun

Nieto y Nietanan:
Brandon Jessurun
Vanessa Jessurun
Venae Ehambe

Nieto yerno:
Joshua Ehambe
Rumannan
†Alfons Jessurun
†Georgine Pracht
†Tilly Clothilde Gietel
†Willy Dare
†Antonius Jessurun
†Angelique Wederfoort


Sua- y cuñanan:
† Nelson y Edith Isenia Frans
Noris y †Pablo Conradus Isenia
Winston y Olga Isenia Gutierrez
Mayra y †Robert Barendregt Isenia
Ingrid y Johnny Carrega Isenia
Eric y Gerda Isenia Rosalia

Un danki special ta bay pa e dunadonan di cuido:
Renato y Vickie van Putten
Maria Bradford
Maria Dalila Castaño Quiceno

Ta invita pa asisiti na e acto di despedida cu lo tuma luga:
diasabra **15 di februari 2025** di 2:00 PM pa 4:00 PM
na Aurora Funeral, Cumana, Oranjestad. Sigui pa su ultimo luga di sosiego na Santana di Sabana Basora

Nos disculpa cu despues di e entiero nos no por ricibi bishita di condolencia na cas.

Nos di famia Jessurun ta gradici tur famia, amigo y conocinan.



"Señor ta mi wardador, mi'n tin falta di nada.
Den cunucu di yerba berde e ta ponemi
sosega. E ta hibami na awa trankil,
pa mi bolbe haña forza".
Salmo: 23

Cu tristesa na nos curazon nos ta partisipa
fayecimento di

Flor Maria
Carolina Ochoa

*21-06-1941 †10-02-2025

Na number di su:
Esposo: †Jacintho Carolina

Yiu di criansa: Fransisco Elio y Carmen y fam
Glenda y Theo y fam
Ricardo y Resey y fam
Judith Carolina

Rumannan: Luiz Antonio Ochoa Jimenez y fam
Lorenzo Ceciliu Ochoa V de Pineda y fam
Blanca Aurelia Ochoa V de Pineda y fam
Alicia Stella Ochoa Jimenez y fam
Pablo Emilio Ochoa Jimenez y fam

Disculpa nos si den nos tristesa nos por a lubida di menciona algun famia of conocir.

Ta invita p'e acto di despedida cual lo tuma lugar na Aurora Funeral Home, **Diabierna 14 di februari 2025** di 2'or pa 4'or di atardi. Cremashon lo tuma lugar den seno familiar

Despues di entiero no ta ricibi bishita di condolencia na cas.



De HERE is mijn herder, mij ontbreekt niets;
Psalm 23:1.

A fayece cristianamente:

Christa Lydia Frieda
Irausquin-Sprung

*12-09-1935 - †07-02-2025

Casa: †Efrain Ismael Irausquin

Na number di su:
Yiunan:
Lothar Irausquin
Rosemarie Fransen-Irausquin y Bas Fransen
Reinhard Irausquin y Elizabeth Irausquin



Nietonan: Matthias, Lukas

Sobrinonan:
Maite Irausquin
Dakie van Lennep-Yrausquin
Andreas y Maren Sprung
Christian Sprung y famia

Demas famia:
Irausquin na Aruba, Corsow y Hulanda

Personal y miembronan di Cas di Machi.

Ta invita pa e acto di entiero cu lo tuma lugar **diahuebs 13 di februari 2025** na kerki Protestant Playa cu oportunidad pa condolencia di 2:00 pa 4:00 pm, sigi pa un respons, despues lo sali pa Santana Protestant na Playa.



Señor ta mi wardador; Mi no ta bai ke.
E ta ponemi sosega den cunucu di yerba berde,
E ta hibami na awa trankil.
E ta restorá mi alma,
E ta guiami den e kamindanan
di hustisia pa motibu di Su nòmber
Salmo 23: 1-3

Ta cu honda tristesa nos ta informa di
fayecimento di

Marie Enithe Panier

*09-10-1958 - †04-02-2025

Na number di su:
Compañe di bida:
Sr. Edwin Illidge

Rumannan:
Serge Panier
Jean Panier
Marie Denise Panier
Marlaine panier

Manera ruman:
Stanley & Rica Illidge y famia

Yiunan di Criansa:
Louisa Ladenius
Marina Rempe
Elizabeth Illidge
Haime Illidge

Sobrino:
Gregory Laplante

Manera subrino(a)nan:
Magaly Illidge y famia, Miriam Illidge y famia,
Alan Howell y famia



Suegra:
Marie Martha Almineur

Cuña:
Corine Panier
Nathalie B. Panier

Ex Coleganan di Divi Links special Proshop and
as close friends Iona, Claudette, Ingrid and Lynn
Ex coleganan di The Light House Restaurant

Famia; Panier, Illidge Howell, Ladenius, Rempe

Acto di entiero lo tuma lugar **diaranson 12 di februari 2025**, na Aurora Funeral Home di 9'or pa 11'or di mainta, despues lo sigi pa Santana central na Sabana Basora



"Bou di alanan di Dios mi ta sigur"
Abo ku ta biba bou di amparo di Altisimo, ta
hospeda den sombra di Dios Omnipotente, bisa
Señor: "Mi refugio, mi forti, mi Dios, den kende mi
ta pone mi konfiansa"
Salmo 91:1-2

Cu dolor na nos curason, nos ta participa
fayecimento di nos ser stima:

Humphrey S. Hewitt

Cariñosamente yama "Piet"

*28-10-1949 - †31-01-2025

Acto di dedpedida lo wordo anuncia despues





"Wait on the Lord: be of good courage, and he shall strengthen thine heart: wait, I say, on the Lord." - Psalm 27:14

It is with deep sadness that we announce the passing of our beloved: husband, father, brother, brother-in-law, uncle, cousin, and friend:

Edward Alexander Anderson

Better known as " Andy, Eddy or Adarn"
*April 4, 1950 - † January 18, 2025

Let to mourn are:

His wife: Vanito Anderson née Williams

Children:

Dalmarie Anderson and Nicole Anderson

Brothers: †Lawrence Turner and family

†Kenneth Royal and family

†Oscar Royal and family

Ezekiel Anderson and family

†Obediah Anderson and family

Charles Anderson and family

Rufus Anderson and family

Sister: Eliza Turner and family

Brother-in-laws: Wester Mc Leish and family, Calvin Dwyer and family, Cerbert Williams and family, Delroy Williams, George (John) Williams and family

Sister-in-law: Vivine Barrett and family

Cousins, nieces and nephews are too numerous to mention.

Members of Seventh Day Adventist Church, neighbours and friends in the community.

Other Families: Brown, Carridice, Deebles, Hall, Hibbert, Powell, Reids, Royals, Turners, and Wrights.

The Funeral service will take place on **Wednesday, February 12th, 2025** at the San Nicolas Seventh Day Adventist Church located at Dr. Schaepmanstraat 3.

The body of the late Edward Alexander Anderson will be laid out from 1:00pm. The service will start at 2:00pm. Followed by the burial service at the Sabana Basora Cemetery.

Address for Condolences:

The Pray Funeral Home in San Nicolas
Tuesday, February 11th, 2025, from 7:00 - 9:00 pm.

We apologize if during our time of sorrow, we may have overlooked any family or friends.



Mi no a muri, pesey mi no a bisa ayo.
Mi a djis habri mi halanan y bula bay.
Boso a keda atras, no laga tristeza domina boso.
Keda uni cu otro, pa mi alma esey lo ta un alegria. Recordami cu hopi amor.

Cu inmenso tristesa nos ta anuncia fayecimento di nos ser stima:

Odette J. Caster-Molina

Vuida di Raphael J.F. Caster
*20-07-1936 - †06-02-2025

Na number di su casa:

† Raphael J.F. (Feki) Caster

Su yui: Odette A.C. (Corry) Caster

Su rumannan: † Ricardo Molina (Curaçao)

† Mina Lacroes-Molina (Curaçao)

† Lilia Bouman-Molina (Curaçao)

† Enit Molina (Curaçao)

Su sobrinonan:

Ricardo (Dito) Molina y famia (Hulanda)

Cecil Hoevertsz y famia (Curaçao)

Daniela Sprott y famia (Curaçao)

Eugene Lacroes y famia (Curaçao)

Glenn Lacroes y famia (Curaçao)

Juliette Lacroes y famia (Curaçao)

Carl Lacroes y famia (Hulanda)

Sharine (Shanny) Bouman (Curaçao)

Wiardus (Wiard) Bouman y famia (Hulanda)

Alexander (Alex) Bouman y famia (Hulanda)

Anne-Marie (Anneke) Bouman (Curaçao)

Ramphis (Rampi) Bouman y famia (Hulanda)

Monique Bouman-Esprit y famia (Curaçao)

Pedro (Junior) Atacho y famia (Curaçao)

Yvette Atacho y famia (Curaçao)

Su cuña: Emilia (Ina) Caster y famia

Su swa: † Hubertus (Betty) Caster y famia (Hulanda)

Su ihanan: Wiardus (Wiard) Bouman

Eugene LaCroes

Pedro (Junior) Atacho

† Carlos Rojer

Jofren Krosendijk

Landa Orman

Su cuidador personal: Jeanne d'Arc Laveau

Su mihor amiganan: Astrid Orman, Aurora Rodulfo, Lucia Werleman

Su bisiñanan: Taytelbaum, Arends, Croes, Paula y Anthony

Su ex coleganan di Spritzer & Fuhrman

Demas famianan: Molina, Isebia, Lacroes, Bouman, Atacho, Caster, Tromp, Davelaar, Esprit, Kock, Larmonie, Albertsz, Laveau y Calixte

Nos ta desea di yama un danki special na dr. Oudshoorn (HOED).
Nos disculpa si den nos tristeza nos por a lubida un miembro di famia.

Ta invita pa acto di condolencia y despedida cual lo tuma lugar na Aurora Funeral Home **diabierne 14 di februari 2025** di 9:00 a.m. pa 12:00 a.m. Cremacion lo tuma lugar den seno familiar.

Tur hende lo por bin bisti na coloman alegre.

Nos ta lamenta cu despues di entierro no por ricibi bishita di condolencia na cas.



"Señor ta mi wardador, mi'n tin falta di nada
Den cunucu di yerba berde e ta ponemi sosiega.
E ta hibami na awa trankil,
Pa mi bolbe haña forsa". - Salmo 23

Cu profundo tristesa den nos curason pero conforme cu boluntad di Dios cu un bida largo y bunita, nos ta anuncia fayecimento di:

Ramona (Carmen Luisa) Kock -Tromp

*01-03-1932 - †06-02-2025

Na number di:

Su esposo: †Harold Edwin Kock

Na number di su mayornan:

Su mama: †Petra Tromp

Su tata: †Juan Fingal

Su yiunan:

Ruthmila Kock y Freddy Themen

Elvis Kock y Margarita Kock-Garcia

† Michaël Angelo Kock

Nietanan & Nietonan: Ryan y Cathleen Gomez-Hernandez, Roël Gomez y Erishka Lake, Jean-Marc Kock y Lidiénne Vrolijk, Chantal Kock, Jean-Mitchell Kock y Francys Falcon, Christian Kock, André Kock, Michelle Kock.

Bisnietonan: Noah Gomez, Lucas Gomez, Daylen Kock, Kevin Kock, Jayden Kock, Jaydrick Kock, Jayron Kock.

Rumannan: Emiliano Francisco Fingal y famia

†Lauriano Fingal y famia

†Leopold Hubertus Fingal y famia

Guillermo Maria Fingal y famia

†Hilario Crescencio Fingal y famia

Yolanda Maria Fingal

Filomena Guadalupe Fingal y famia

Maria Regina Fingal

Lucio Suriano Fingal y famia

Sixto Alberto Fingal y famia

Bibiano Nicolas Fingal y famia

Pedro Roberto Fingal y famia

Su amiga y amigo nan: Magdalena (Chichi) y Daniel Marchena-Tromp, Luz-Mila Tromp, Maria di Pancho Maduro, Otilia y Liz Thiel.

Demas Famianan: Kock, Tromp, Fingal, Martinus, Garcia, Themen, Hernandez, Somers, van de Poel, van Bodegom, Marchena, Hoek.

Sua y cuñanan: †Edita Somers-Kock y famia

†Elca Somers-Kock y famia

† Ruth van de Poel-Kock y famia

Esther van Bodegom-Kock y famia

Hugo kock y famia

Franklin Kock y famia

†Washington kock y famia

Iris Kock y famia

Ludwina Kock y famia

Humphrey Kock y famia

Yamila Hoevertz-Kock y famia

Inrich kock y famia

Isel Kock y famia

Gardenia Kock y famia

Subrino y subrinanan, primo y prima nan, lha nan, grupo di Playa Pabou, su grupo di Jesus Misericordioso.

Su ex Nuera: Esther Ras

Un danki special na: Dr. P.J.G. Tjon Kong San, Coleta Zschuschen, Janine Godoy, †Ivonne Quandus, Suguey de La Rosa Muñoz, Teodosia Huaman, Nubia Ojeda y Het Wit Gele Kruis, Soila Donata, Juliana Todd, Rina Angela.

Ta invita demas famia, amigo, bisiñanan y conocirnan pa e acto di condolencia y entierro cu lo tuma lugar **diaranson 12 di februari 2025** di 9or pa 11or am na misa San Francisco na Playa.

Disculpa nos si den nos tristesa nos por a lubida algun famia y conocir.

Prome y despues di entierro nos no ta ricibi bishita di condolencia na cas.





Cu honda pena, pero conforme cu decision di Dios, nos ta anuncia fayecimento inespera di nos casa, tata, suegro, welo, omo, y amigo stima...

Virgilio Pascual Laclé

Mihor conoci como 'Milo'
Naci: 24 December 1937
Fayece: 3 Februari 2025

Na number di su casa:
Alejandrina (Ali) Laclé-Tromp

Di su yiunan:
Nilton Laclé y yiu.
Andy, Marien Laclé-Díaz Rios y yiu

Di su nietonan stima:
Mitchell Laclé.
Jake Laclé.

Na memoria:
Milo awor ta acudi cerca su rumannan kendenan a bay prome cune, esta Ovid Laclé, Dufi Laclé, Chai Laclé, Sildo Laclé, Etta Theysen-Laclé, Chichi Laclé, Eddy Laclé, Pina Lindeborg-Laclé, Efe Laclé, Sita Croes-Laclé, y Annie Laclé.

Na number di su cuñanan:
Bertha Fingal y yiu, Magdalena Tromp y yiunan, Lita Tromp y yiu, Livia Vrolijk y yiunan.

Cu hopi cariño: Na number di sobrino- y sobrinanan hopi costumbra, Jeanette Bruin-Laclé, Shuliska Rosaria (mama di su nieto), Sharine Vrolijk, Alfred Lindeborg, Helene Wong-Croes, Lientje Laclé, Dr. Gregory Laclé, Yvette Laclé, Franklin Laclé, Renny Laclé, Chichita Laclé.

Bisiña- y bon amigonan di cas:
Jane Oduber, Calvin Tromp y famia, Deka Feliciano y Herbie, Marlin Erasmus y famia, Shuliska Rosaria, Shirley Oduber y famia, Emily Croes-Oduber y famia, Susana Schwengle, Teng Werleman, Carlos Brokke y famia.

Tur su ex-coleganan:
Di Lago Oil & Transport, Ltd., Exxon Mobil Baytown Olefins Plant, Coastal Aruba Refinery, Valero Refinery Powerhouse unit, ex-colega y hungadornan di Sport Club Aruba na Paradera.

Demas famia Laclé, Tromp, Díaz Rios, Rosaria, Fingal, Oduber, Vrolijk, Lindeborg, Bruin, Croes, Upegui, Franken, Giel, Ras, Yarzagaray, Leo

TA INVITA pa oportunidad pa condoleer riba **Diamars, 11 Februari 2025** na Royal Funeral Home na Cumana, for di 7:00 pm te cu 9:00 pm.

DESPEDIDA di nos Milo stima lo tuma lugar **Diaranson, 12 Februari 2025** na Royal Funeral Home na Cumana, for di 2:00 pm te cu 4:00 pm. Despues di respons lo sigui pa entiero na Santana Catolico di Paradera.

Envez di flor of krans, ta bay sigui yuda Milo kende semper a stima y haci donacion casi henter su bida na e hobennan dinamico di YMCA San Nicolas. Lo tin un box disponibel pa haci e donacion.

Despues di entiero, no ta acepta bishita di condolencia na cas.



Mi ke alabá SEÑOR tur tempo,
Su Alabanza lo no kita fo'i mi boca,
Mi alma ta gloria den SEÑOR,
Laga humildenan bin tende y gosa.
Canta grandesa di SEÑOR huntu cu mi,
ban alabá SU Nombor tur huntu!
Salmo 34

Cu hopi dolor na nos curason, pero conforme boluntad di nos creador y senjor Dios y gradicido pa tur loke ela nifica pa nos, nos ta participa fayecimento di nos casa, tata, welo, ruman, swa, omo y amigo:

Ruben Geerman

Nos Pa y Opa stima
*29-11-1939 - †07-02-2025

Na number di
Su casa: Irena M. Geerman-Ras

Su tata y mama:
†Ambrosio "Booshi" Geerman y †Dominica "Angelica" Geerman-Geerman

Su Suegro(a):
†Paulito Ras y † Bertha Ras-Arends

Su yiunan:
Ruben "Bencho" Geerman y Ursula Geerman-Croes
Rodney Geerman y Mirla Geerman-Kock
Su nieto(a)nan:
Rutienne Geerman
†Mitchell Geerman
Anthony Geerman
Michella Geerman
Thanya Geerman
Micheline Geerman

Su rumannan: †Pancho Thiel y famia
†Panchito Geerman y †Rosa Geerman-Wernet y famia
†Emelita Geerman y famia
†Benjamin Geerman y Lelia Geerman-Kock y famia
†Irma Kock-Geerman y †Augustin Kock y famia
†Thomas Geerman y Dora Geerman-Koolman y famia
†Cristobal Geerman y Sonia Geerman-Dabian

Manera ruman: Robert "Roy" Geerman
Estrella Japtjong y famia
Sonia Japtjong y famia
Su swanan y cuñanan:
†Ambrosio Ras y †Aura Ras-Zavala y famia
†Adela Ras y †Ronny Dake
†Efrain Ras y Elia Ras-Henriquez y famia
Florentina Dijkhoff-Ras y †Rosindo Dijkhoff y famia
†Eduardo Ras y Jeany Ras-Haayen y famia
Diana Hernandez-Ras y †Antonio Hernandez
Lucrecia Boekhoudt-Ras y Facundo Boekhoudt y famia
†Michael Ras
Anna Maria Ras y famia

Su iha:Rene Dijkhoff

Su sobrinonan y sobrinanan, primonan y primanan

Su amigonan di cas:
Orlando Sint Jago y Glenda Sint Jago-Kock
†Vicente Croes y Ursula Croes-Werleman
Richard Bikker y Liska Bikker-Croes
Carol Boekhoudt
Bryan Kock

Su bon bisiñanan: Famia Margaretha
Famia Brooks

Su ex-coleganan di Directie Financien y ex-compañeronan di ex-Formosa Softball Team

Demas famia-, amigo- y conocirnan: Geerman, Ras, Croes, Kock, Thiel, Wernet, Dabian, Koolman, Zavala, Dake, Henriquez, Dijkhoff, Haayen, Hernandez, Boekhoudt, Fortin, Arends, Capela, Fullinck, Nicolas, Brete, Maduro, Jacobs, Werleman, Noguera, Vrolijk, Giel, Vlaun, Marchena, Sint Jago, Bikker, Wever, Margaretha y Brooks.

Ta invita p'e acto di despedida cual lo tuma lugar na Royal Funeral Home, **diahuebs 13 di februari 2025** di 1'or pa 4'or di atardi. Despues di e acto lo sali cu e restonan mortal pa Santana Catolico na Savaneta.

Disculpa nos si den nos tristesa nos por a lubida di menciona algun famia of conocir. Despues di entiero no ta ricibi bishita di condolencia na cas.



Laga nos alaba Dios y Tata di nos Señor Hesus-Cristo!
E ta un Tata misericordioso y un Dios cu semper ta consola. - Corintionan 1 : 3

"No corda riba mi cu tristesa. No corda riba mi cu lagrima. Corda riba mi cu un sonrisa".

Cu dolor na nos curason pero conforme boluntad di Señor, nos ta participa fayecimento di nos ser stima, ruman, tanta y cuña:

Sra. Ivonne
Magarita Quandus

*22 februari 1954 - † 4 februari 2025
Cariñosamente yama "Vonchi"

Mama:
†Suzette Quandus-Pastour

Tata:
†Miguel Quandus

Na number di su rumannan:
†Marcel (Gaga) y Jeanne Porino y famia
Alfred (Freddy) Quandus y Ida Jabbar y famia
Marisa Quandus y famia na Hulanda
Claudio (Roy) y Elaine Quandus-Geerman y famia
Bernadette (Detta) y Martin Franken-Quandus y famia

Su sobrinonan stima:
Edgar (Juni) Porino na Hulanda
Sharinne Porino
Kenrick y Xuyan Quandus-Wu y famia
Omar Quandus y famia
Angelo y Irella Quandus-Partodikromo y famia
Ute Quandus y famia
Giovanni Franken y famia na Hulanda
Gioandi Franken y famia na Hulanda
Elvin y Julissa Poppen-Chayadi y famia
Claudette y Michael Leon-Sjiem-Fat y famia na Hulanda
Ezrah y Chris Szwichtenberg-Sjiem-Fat y famia na Hulanda
Christian Quandus na Hulanda
Janice Franken y famia na Hulanda

Su sobre sobrino/a- y ihanan na Aruba, Hulanda y Kòrsou

Cuña stima:
Jeanne Porino

Amiganan y amigo manera ruman:
Pricillia (Mem) Poppen, Maria Lopez, Aurita Kock, Mena Loefstok, Ingrid Stewart, Yvette Dijkhoff, Coleta Zschuschen, David Bergrok, Marly Delgado, Desiree Da Costa Gomez, Miriam Carrera na Kòrsou y Caria Lussier na U.S.A.

Amigonan stima:
Raymond Phillips, Wendell Precilia y Sonny Paulina na Kòrsou

Bisiñanan:
Comenencia, Herts, Tromp, Dania, Sneek, Steenen, Rafael, Bosnie, Hoo, Ignacio, Tromp, Malmberg

Demas famia: Quandus, Porino, Jabbar, Franken, Geerman, Cellaire, Kock, Wu, Partodikromo, Poppen, Chayadi, Sjiem-Fat, Leon, Szwichtenberg, Rosina, Comenencia, Berok, Phillips, Lopez, Precilia, Paulina, Da Costa Gomez, Carrera, Stewart, Dijkhoff.

Su ex-coleganan di Divi-Tamarijn Hotels y Kushina Krioyo (Kòrsou)
Propetaria di Unique Engravings.

Un danki special na Dra. Ivette Garcia na Kòrsou pa cu su atencion na nos ruman y na Maria Lopez y Ute Quandus durante momentonan critico na Colombia.

Nos disculpa si durante e momentonan aki di tristeza nos por a lubida un familiar of conoci.

Condolencia y despedida lo tuma lugar riba **Diaranson 12 di februari 2025** na Aurora Funeral Home di 2'or pa 4'or di atardi. Despues di despedida e acto di cremacion lo tuma lugar den seno familiar.

Nos ta lamenta cu despues di despedida nos lo no por ricibi bishita di condolencia na cas.



Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com